



STILLMAN DRAKE

RB147 632

Library
of the
University of Toronto

Viola - second work, 174-5


Handwritten, 18 d. 500

129 2d
48

h 343/14

p 12257

controllato



Digitized by the Internet Archive
in 2024 with funding from
University of Toronto

<https://archive.org/details/marinighetaldiap00apol>

MARINI
GHETALDI
PATRITII
RAGVSINI.

Apollonius Rediuius.

Ses,

RESTITVTA APOLLONII PERGAEI

Inclinationum Geometria.

CVM PRIVILEGIIS.




V E N E T I I S,

Apud Bernardum Iuntam.

M D C V I I.

MAKING
GHEE T ALDI
PATRII
RACVSI
Apollonius Redivivus.

ESTINTA APOLLONIT PERDARI
Inchamomum Germanicum.
CVM PRIVILEGIO



APOLLONIT PERDARI
MDCV



ILLVSTRISSIMO.

A C

REVERENDISSIMO

CARDINALI

SERAPHINO.

Marinus Ghetaldus S. P. D.



IVNT nostri Perspe-
ctiui, opacum corpus,
quo luminosum fuerit
maius, cui opponitur,
eo umbras producere
minores, productasq; coire tandem
in punctum, & illustrari. Sapiui Car-
dinalis amplissimè, dum opusculū
cogitavi dicare tibi; cuius lumen ut
vni concedat, cæteris certè aut par
est, aut antecellit vniuersis. Nam

* 2

præter-

præterquam quod persolui debitũ,
quo tibi sexcentis nominibus obstri-
ctus eram, consului præterea operi:
quod nemo non videt futurum fuif-
se obscurius, nisi illuminandum de-
dissem Purpurato. Numerabitur,
hoc inter cætera beneficia tua, refe-
ramque qui maius nõ possum idem
ipsum quod accepi, & opus vnum
atque idem monumentum extabit
& beneficæ voluntatis tuæ, & grati
animi mei.

Vale. Ragusij Kalend. Maij M DC VI.



AD LECTOREM.



POLLONIVS *Pergæus Geometra*
(*ut eum veteres appellant*) *magnus,*
sicut multa rerum mathematicarum mo-
numenta, Pappo Alexandrino teste, po-
steritati reliquit, ita multa tempus edax
rerum, & iniuriosa vetustas posteritati
consumpsit, quattuor enim Conicorum
libris duntaxat exceptis, reliqui temporis iniuria periere. Ex-
stant autem præter cætera apud Pappum in principio libri septi-
mi collectionum, sub inclinationum titulo Problematum de in-
clinationibus opusculi propositiones, eæ tamen tam vitiatæ tam-
que corruptæ, ut plus in ipsis intelligendis laborandum mihi
fuerit, quam in soluendis, nec mirum, corruptus enim pluribus
in locis latinus Pappi contextus, græcum, ita corruptum (ut
Federicus Comandinus interpretæ affirmat) secutus est. Ne-
que enim ex vitiato fonte, qui ex inde riuulus scatet, potest non
vitiatæ scateræ. Restituto autem ut mihi quidem videtur in
genuinam Auctoris sententiam codice, solutisque Problemati-
bus,

bus, videor opusculum illud Apollonij ab interitu quodammodo ad vitam reuocasse, quare illud, ne ab Apollonio de suo nomine, aut contempto, aut suppresso accusaret, sub eius potissimum nomine apparere volui, & APOLLONIVS REDIVIVVS inscribi.

C O P I A.

GLI Eccellentissimi Signori Capi dell' Illustrissimo Consilio di X. Infra scritti hauuta fede dalli Signori Reformatori del Studio di Padoua, per relation delli dui à questo deputati, cioè del Reuerendo Padre Inquisitor, & del Circ. & fedelissimo Secretario del Senato Gio. Marauegia con giuramento. *Che nel Libro in Titolato Marini Ghetaldi Patritij Ragusini, Apollonius Redius, seu Apollonij Pergæi inclinationum Geometria.* Non si troua cosa contra le leggi, & sono degno di Stampa, concedono licentia, che possino esser Stampato in questa Città.

Dat. die 17. Maij 1607.

D. Z. Battista Vitturi
D. Marco Triuisan. } Capi dell' Illustrif. Cons. di X.
D. Vincenzo Dandolo.

Illustrissimi Consilij X. Sec.
Barth. Cominus.


1607. n° 13. Maggio Registrato in lib. à carte 170.

Ant. Lauren. Officij Cont. Blasph.

M A R I N I
G H E T A L D I
A P O L L O N I V S
R E D I V I V V S


Seu,

RESTITVTA APOLLONII PERGAEI
Inclinationum Geometria.



Problema I.

r

 *N* Dato circulo aptare rectam lineam magnitudi-
dine datam, quæ ad datum punctum pertingat.

Hoc Problema duos casus habet, vnum quidem si punctum
detur extra circulum: alterum vero si detur intra.

Primo casu oportebit rectam magnitudine datam non esse
maio rem diametro circuli, secundus vero casu oportebit eam
nec esse maio rem diametro circuli, nec minorem ea recta li-
nea in circulo, quæ in dato puncto secat diametrum ad rectos
angulos.



Constructio Primi casus.

Sit datus circulus DHE cuius centrum B, datum autem pun-
ctum A quod sit extra circulum, & data magnitudine recta li-
nea Z, quæ non sit maior diametro circuli. Oportet in circu-
lo DHE rectæ lineæ Z æqualem rectam lineam aptare, quæ ad
punctum A pertingat. Si diametro circuli DHE sit æqualis ipsa
Z, ducatur ab A puncto diameter, & factum erit quod propo-
nitur: si verò ipsa Z sit minor diametro, ducatur AE contin-
gens DHE circulum in E, & conectatur BE, erit igitur * angu-
lus A

18. Tercij




lus AEB rectus: deinde in EB, fumatur EF, æqualis dimidiæ Z, & conedatur quoq; AF, & centro F, interuallo FE, describatur circulus CEG, secans AF, continuatam in punctis C, G: hunc igitur circulum continget recta AE, in E: rectus enim est angulus AEF, deinde centro A, interuallo AC, describatur alius circulus secans circulum DHE, in H, & per H, ducatur recta linea AHD, secans eundem circulum in D. Quoniam igitur æqualia sunt rectangula HAD, CAG, utrique enim * æquale est quadratum AE, atque est AH, æqualis AC: erit & AD æqualis AG, quare per subtractionem æqualium æqualibus, reliqua HD, reliquæ CG erit æqualis: sed CG æqualis est ipsi Z, utraque enim dupla est ipsius FE; ergo & HD ipsi Z, æqualis erit. In dato igitur circulo DHE, data rectæ lineæ Z æqualis tractata est DH, ad punctum A pertingens, quod erat faciendum.



Constructio Secundi casus.

IISDEM datis, sit A punctum in circulo, & data Z non sit maior diametro circuli dati DHE, neque minor ea recta linea in circulo, quæ in A puncto secat diametrum ad rectos angulos, & oporteat facere, quod imperatum est. Ducatur per A, circuli diameter CAI. Si igitur ipsa diameter æqualis sit datæ Z; factum iam erit, quod proponebatur: si verò maior; ducatur per A, ipsi CI, ad rectos angulos EAM, & si ipsa EM, sit æqualis.

æqualis datæ Z, rursus factum erit, quod proponebatur: si vero $\frac{B}{I}$ inor, ponatur in AC, recta linea EF, æqualis dimidiæ Z,



est autē dimidia Z maior, quam EA, (quandoquidem tota maior ponitur, quam tota EM,) quæ est dupla ipsius EA: deinde ipsi FE æqualis fiat FG, & centro A, intervallo AG, describatur circulus secans circulum DHE in H, & iuncta HA, producat in D, & sumatur FL, æqualis FG, vel FE. Quoniam igitur recta linea GL secta est in partes æquales ad F, & inæquales ad A, erit rectangulum GAL vna cum quadrato FA * æquale quadrato FG, hoc est FE, sed quadratum FE, æquale est quadratis FA, EA, ergo rectangulum GAL, vna cum quadrato FA, æquale erit quadratis FA, EA, commune auferatur quadratum FA, reliquū igitur rectangulum GAL reliquo quadrato EA erit æquale: sed quadratum EA, hoc est rectangulum EAM * æquale est, rectangulo HAD, ergo rectan-

gulum GAL erit æquale rectangulo HAD, atque est GA æqualis HA ex constructione, erit igitur & AL æqualis AD: & per additionem æqualium æqualibus erit tota HD æqualis toti GL, sed GL est æqualis ipsi Z, vtraque enim GF, FL, æqualis est ipsi FE, hoc est dimidia Z, ergo & HD ipsi Z æqualis erit. In dato igitur circulo DHE, datæ rectæ lineæ Z æqualis aptata est DH, ad punctum A, perungens, quod facere oportebat.

Diximus autem oportere datam Z, non esse maiorem diametro CI, neque minorem ipsa EM, quoniam in circulo maxima est diameter, & EM minima omnium, quæ per punctum A ducuntur.

Ducatur enim altera quædam recta linea HAD, ea que secetur bifariam in N. Quoniam igitur quadratum HN * æquale

A 2 est

est rectangulo HAD , vna cum quadrato NA , & quadratum EA , hoc est rectangulum EAM , * æquale rectangulo HAD , tantum, quadratum EA , minus erit quadrato HN ; quare; & recta EA , minor quam recta HN , & consequenter EM , minor quam HD : sunt enim EM , HD , ipsarum EA , HN , duplæ. Similiter demonstrabimus EM , minorem esse omnibus rectis lineis, quæ per punctum A , ducuntur, quare manifesta est determinatio.

Problema II.

DATO Semicirculo, & recta linea sit ipsius basi perpendicularis, inter ipsam perpendicularem, & circumferentiam semicirculi ponere rectam lineam magnitudine datam, quæ ad semicirculi angulum pertingat.

Hoc problema quinque casus habet: duos quidem, si basim semicirculi scilicet, protractam illa perpendicularis secet. primus differt à secundo eo, quod in primo ponenda est recta lineam magnitudine data inter perpendicularem, & conuexam semicirculi circumferentiam: in secundo autem ponenda est inter perpendicularem, & circumferentiam cauam.

Alios autem duos casus habet nempe tertium, & quartum, si perpendicularis in ipsam basim cadat: tertius differet à quarto, eo quod in tertio ponenda est illa magnitudine data inter perpendicularem, & cauam semicirculi circumferentiam: in quarto autem ponenda est inter perpendicularem, & circumferentiam conuexam.

Quintum denique casum habet, si perpendicularis in extremitatem basis semicirculi cadat.

Primi tres casus determinatione indigent, duo verò reliqui nequaquam.

Primò igitur casu oportebit rectam magnitudinē datam non esse minorem eo segmento basis productæ, quod inter perpendicularem, & circumferentiam interijcitur.


Secundò casu si basis semicirculi non sit maior prædicto basis segmento, oportebit illam magnitudine datam non esse minorem base productæ, usque ad perpendicularem.

Si verò basis semicirculi non sit minor prædicto basis segmento

Tertio denique casu oportebit rectam magnitudine datam
non esse maiorem segmento basis semicirculi, quod inter per-
pendiculararem, & circumferentiam interijcitur ex ea parte po-
nendæ.

Constructio Primi casus.

Sit datus semicirculus AHB, in cuius basim AB, scilicet protractam, cadat perpendicularis DC, & data quoque magnitudi-




ne recta linea Z, quæ non sit, minor, quam BC, oportet inter perpendicularem DC, & circumferentiam AHB, rectæ lineæ Z, æqualem rectam lineam ponere, quæ ad punctum A, hoc est ad semicirculi angulū pertingat. Si BC sit æqualis ipsi Z, factum iam erit, quod proponitur, etenim inter perpendicularem DC, & circumferentiam AHB, posita est BC, datæ Z æqualis. Si verò BC, sit minor quàm Z, describatur in AC, semicirculus AEC, & ipsi AC, agatur perpendicularis BE, & per E, ducatur recta linea CEF, ut sit EF æqualis dimidiæ Z, &

iungatur AF , & centro F , intervallo FE , describatur circulus
 quem secet AF , continuata in punctis G, I : erit igitur recta GI ,
 æqualis ipsi Z , & iuncta AE , conringet circulum GEI : in E re-
 ctus est enim angulus AEF , cum sit rectus & AEC , in semi-
 circulo. Deinde accommodetur in semicirculo AHB , recta
 AH , æqualis AG , inferius autem demonstrabitur AG , mino-
 rem esse quam AB : producatu denique AH , in D , & iunga-
 tur HB , Quoniam igitur quadratum AE , * æquale est rectan-
 gulo IAG , & * æquale quoque rectangulo CAB , est * enim
 AE , media proportionalis inter AB, AC : rectangulum IAG ,
 æquale erit rectangulo CAB .

36. tertij.
 17. Sexti.
 Ex coroll.
 8. Sexti.

Et quoniam æquiangula sunt triangula AHB, ACD, angulus
enim

enim AHB infemicirculo rectus est, & ideo æqualis angulo ACD , & angulus HAB communis est utrique, proportionalia habebunt latera AB , AH , AD , AC , & rectangulo CAB sub extremis proportionalium æquale erit rectangulum DAH sub medijs, sed rectangulo CAB , ostensum est æquale rectangulum IAG , ergo rectangulum DAH rectangulo IAG erit æquale; atq; est AH æqualis AG , ex constructione ergo, & AD æqualis erit AI , & per subtractionem æqualium AH , AG , æqualibus AD , AI , reliqua HD erit æqualis reliquæ GI , sed GI ostensa est æqualis ipsi Z , ergo & HD ipsi Z æqualis erit. Posita est igitur inter perpendiculararem DC , & circumferentiam AHB , data Z æqualis HD , ad punctum A pertingens, quod facere oportebat.



17. *Sexii.*
Ex *coroll.*
8. *Sexii.*

At verò AG minorem esse, quam AB , sic demonstrabitur: si enim non est minor; erit maior, vel æqualis: sed ponitur & GI , hoc est Z , maior, quam BC , ergo & AI tota maior erit, quam tota AC , ac proinde rectangulum IAG , hoc est quadratum AE , maius erit rectangulo CAB , quod est absurdum, illud enim quadratum huic rectangulo est æquale, quoniam AE media est proportionalis inter AB , AC , minor est igitur AG , quam AB , quod demonstrare oportebat.


Diximus autem oportere datam Z non esse minorem, quam BC , quia BC est minima omnium, quæ ad punctum A pertingentes inter perpendiculararem DC , & circumferentiam AHB , interijciuntur.

Ducatur enim altera quædam recta linea HD , quæ ad punctum A pertingat. Quoniam igitur AC minor est, quam AD , ipsa verò AB maior, quam AH , ablata AB ab AC , & ablata quæ AH ab AD , reliqua BC minor erit, quam reliqua HD . Similiter demonstrabimus BC minorem esse omnib. rectis lineis, quæ ad punctum A pertingentes, interperpendicularẽ DC , & circumferentiã AHB , interijciuntur: quare manifesta est determinatio.

Constru-

Constructio Secundi casus.

Sit datus semicirculus BHA, cuius basim BA, scilicet protracta secet DC, ad angulos rectos, data autem recta linea sit Z, Oportet inter ipsam DC & circumferentiā BHA, data recta linea Z, æqualem rectam lineam ponere, quæ ad punctum A pertingat. Sit primum BA, non maior quam AC. in hoc casu oportebit datam Z non esse minorem,



quam BC. Si igitur BC sit æqualis ipsi Z, factum iam erit, quod proponitur: si verò BC sit minor, quā Z; describatur in ea semicirculus BEC, & agatur perpendicularis AE & in AC ponatur EF æqualis dimidiæ Z, est autem dimidia Z maior, quam EA, quandoquidem tota Z ponitur maior, quam BC. Deinde sumatur FG, æqualis EF, vel dimidiæ Z: & in CD ponatur

AD, æqualis AG: deinde producat DA in H, & iungatur HB, & sumatur FI, æqualis FG, vel FE, Quoniam igitur IG, secta est in partes æquales ad F, & inæquales ad A, erit rectangulum IAG, vna cum quadrato AF* æquale quadrato FG, hoc est EF: sed quadratum EF æquale est quadrato AF vna cum quadrato EA, hoc est vna cum rectangulo BAC, ergo quadratum AF vna cum rectangulo BAC, æquale erit rectangulo IAG vna cum quadrato AF. commune auferatur quadratum AF, reliquum igitur rectangulum BAC reliquo rectangulo IAG æquale erit. s. Secundè



Rursus, quoniam in semicirculo est angulus BHA, is est rectus, & ideo æqualis angulo DCA, & angulus HAB, æqualis est angulo CAD, sunt enim ad verticem, æquiangula erunt triangula BHA, DCA, & ideo proportionalia habebunt latera BA, AH, AD, AC, quare rectangulum HAD, sub medijs proportionalium erit æquale rectangulo BAC, sub extremis: sed rectangulum BAC ostensum est æquale rectangulo IAG: ergo rectangulum HAD, rectangulo IAG, æquale erit, atque est AD æqualis AG ex constructione: ergo, & AH æqualis erit AI, & per additionem æqualium AD, AG, æqualibus AH AI, erit HD equalis IG, sed IG æqualis est ipsi Z ex constructione, ergo

ergo & HD ipsi Z æqualis erit. Quare inter perpendicularem DC, & circumferentiam BHA, data rectæ lineæ Z, æqualis posita est HD, ad punctum A pertingens, quod erat faciendum.



Diximus autem si BA non sit maior, quam AC, oportere datam Z non esse minorem, quam BC, quia BC est minima omnium, quæ per punctum A ductæ inter perpendicularem CD, & circumferentiam BHA, interijciuntur.

25. quin-
die
Ducatur enim altera quædam recta linea HD, & iungatur BH, quoniam igitur propter similitudinē triangulorum BAH, DCA, proportionales sunt BA, AH, AD, AC, atque est maxima quidem AD, minima verò AH, erit HD composita videlicet ex maxima & minima * maior quam BC composita ex reliquis. Similiter ostendemus BC minorem esse omnibus rectis lineis, quæ per punctum A ductæ inter perpendicularem DC, & circumferentiam BHA, interijciuntur: quare manifesta est determinatio.

Deinde sit BA non minor quam AC, & oporteat facere quod imperatum est: in hoc casu oportebit datam Z non esse minorem, quam dupla proportionalis inter BA, AC, Describatur igitur in BC semicirculus BEC, ipsique BC, ducatur perpendiculāris AE: si igitur BA sit æqualis AC, ut in prima figura, & dimidia Z, æqualis AE, hoc est tota Z, æqualis BC, factum iam erit, quod proponebatur. Si verò BA sit maior, quam AC, ut in secunda figura, ac dimidia Z æqualis AE: vel si dimidia Z sit maior quam EA, ut in tertia figura: ipsa verò BA æqua-



lis AC vel ut in quarta figura maior, quocunque casu ponatur in AC recta linea EF, æqualis dimidia Z, est autem dimidia Z, non minor quam EA. quandoquidem ex determinatione Problematis tota Z non est minor, quam dupla EA. Deinde sumantur FG, FI, æquales ipsi EF, vel dimidiæ Z, & in DC ponatur AD æqualis AG, & producat ad H, & iungatur BH. Quoniam m
igitur



igitur IG secta est bifariam in F,
& non bifariam in A, rectangu-
lum IAG vna cum quadrato AF
*æquale erit quadrato FG hoc *s. Secūdi.*
est quadrato EF, sed quadratum
EF æquatur quadrato AF vna cū
quadrato EA, hoc est vna cum
rectangulo BAC; ergo quadra-
tum AF vna cū rectangulo BAC
æquabitur rectangulo IAG vna
cum quadrato AF, ablato com-
muni quadrato AF reliquū igitur
rectangulum BAC reliquo
rectangulo IAG æquale erit; qua-
re vt AB ad AI ita erit AG ad
AC, *rectangulorum enim æqua- *14. Sexti*
lium reciproca sunt latera.



Et quoniam æquales sunt an-
guli BHA, ACD, est enim vter-
que: rectus hic ex cōstructione:
ille ex vi semicirculi, & æquales
quoque anguli BAH, DAC ad
verticem, similia erunt triangu-
la BAH, DAC, vt igitur AH ad

AB ita erit AC ad AD, sed ostēsum est vt AB ad AI ita esse AG
ad AC, ergo * in perturbata proportionē erit AH ad AI, sicut *23. Quin*
AG ad AD, sed ipsi AG posita est æqualis AD, ergo & ipsi AH *ii.*
æqualis erit AI, quare per additionem æqualium AD, AG, æ-
qualibus AH, AI, erit HD æqualis IG, sed IG æqualis est ipsi Z
ex constructione, ergo & HD ipsi Z æqualis erit. Posita est igitur
inter DC, & circumferentiam DHA data Z æqualis HD ad *BHA*
punctum A pertingens, quod facere oportebat.

Diximus autem existente BA non minori quam AC oportere
datam Z non esse minorem quam dupla EA, quoniam ip-
sa EA dupla minima est omnium quæ per punctum A data inter
perpendicularem CD & circumferentiam BHA interij-
ciuntur.

Accomodetur enim in semicirculo BHA recta linea AH
æqualis AE, & producatu donec secet ipsam CD in D, & iun-
gatur BH. Quoniam igitur in semicirculo est angulus BHA, is
est rectus, & ideo æqualis angulo ACD, & angulus HAB, æqua-
lis est

mentum, non autem maior, quam basis producta vsque ad perpendiculararem, possibile erit inter ipsam perpendiculararem, & circumferentiam semicirculi ponere duas rectas lineas ei, quæ magnitudine datur æquales, quarum vtrique ad vnum eundemque semicirculi angulum pertingat.



Exponatur enim semicirculus BHA, cuius basim BA scilicet protractâ secet CD ad rectos angulos, & sit BA maior quam AC, & in BC describatur semicirculus BEC, & ducatur perpendicularis AE ea erit media proportionalis inter BA AC. exponatur quoque recta linea Z, quæ sit maior quâ dupla EA, non autem maior quâ BC. Dico inter perpendiculararem CD, & circumferentiam BHA possibile esse ponere duas rectas lineas expositæ Z æquales, quarum vtrique ad punctum A pertingat. Ponatur enim inter CD, & circumferentiam BHA ipsi Z æqualis HD, quæ ad punctum A pertingat, & accommodetur in semicirculo BHA recta linea AF æqualis AD, ea non erit eadem quæ AH, nam ex antecedente corollario sunt inæquales HA AD, neque maior erit

quam BA, vt inferius demonstrabitur. Deinde producatu FA donec secet rectam CD in G, & iungantur BF BH; Quoniam igitur æqualia sunt trianguula BHA, DCA, id autem pluribus in locis demonstrauimus: erit vt HA ad AB, ita AC ad AD, sed propter similitudinem triangulorum BFA, GCA, est vt AB ad AF, ita AG ad AC, ergo in perturbata proportionem, vt HA ad AF, ita erit AG ad AD, & permutando vt HA ad AG ita AF ad AD, sed AF æqualis est AD ex constructione; ergo & HA ipsi AG æqualis erit; quare per additionem æqualium HA, AG æqualibus AD, AF, erit tota FG æqualis toti HD hoc est Z expositæ.

B 2 Possibi-

Possibile igitur est per punctum A ducere duas rectas lineas expositæ Z æquales, quod erat ostendendum.

At vero AD non esse maiorem quam BA sic demonstrabitur, sit si fieri potest AD maior quam BA, ergo AH minor erit quam AC, quandoquidem tota HD ponitur non maior quam tota BC, & quoniam propter similitudinem triangulorū BHA, DCA, proportionales sunt BA, HA, AD, AC, atque est maxima quidem AD minima verò AH. erit HD, * composita videlicet ex maxima & minima, maior quam BC composita ex reliquis, quod est absurdum, ponitur enim HD hoc est ipsa Z non maior quam BC. Non igitur AD maior est quam BA, quod erat demonstrandum.

Corollarium.


Et manifestum est ex iam demonstratis si BA maior sit quam AC, & in super data Z maior quam dupla EA, non autem maior quam BC duobus modis Problema posse absolui, hoc est duas rectas lineas Problema efficere, quod demonstrare oportebat.

Constructio Tertij casus.

Sit datus semicirculus AHB in cuius basim AB cadat perpendicularis DC, & data quoque magnitudine recta linea Z, quæ non sit maior quam CB. Oportet inter perpendicularem DC, & cauam AHB circumferentiam rectæ lineæ Z æqualem rectam lineam ponere, quæ ad punctū A pertingat.

Si BC sit æqualis ipsi Z, factum iam erit, quod proponitur, si verò BC sit maior quam Z, secet recta CD circumferentiam AHB in E, & ducatur recta linea BEF vt sit EF æqualis dimidiæ Z, & iungatur AF, & centro F intervallo FE describatur circulus, quem secet AF continuata in punctis G, I, erit igitur recta GI æqualis ipsi Z, & iuncta AE continget circulū GEI in E, rectus est enim angulus AEB in semicirculo.

Deinde



Deinde in EC ponatur AD æqualis AI, punctum D cadet inter E, & C quoniam AI minor est quam AE vt * patet, maior autem quam AC vt inferius demonstrabitur. Denique producta AD in H. iungatur HB, quoniam igitur quadratum AE * æquale est rectangulo IAG, & * æquale quoque rectangulo CAB, est * enim AE media proportionalis inter AC, AB, erit rectangulum IAG æquale rectangulo CAB.

8. Tertij.

36. Tertij.

17. Sexti.

Ex coroll.

8. Sexti.

Et quoniam quadrilateri DHBC duo anguli oppositi DHB, DCB sunt recti, hic ex constructione, ille ex vi semicirculi, & ideo duobus rectis æquales, quadrilaterum illud DHBC erit in circulo, & rectangulum DAH * æquale erit rectangulo CAB, sed rectangulum IAG ostensum est æquale rectangulo CAB, ergo rectangulum DAH rectangulo IAG æquale erit, atque est AD æqualis AI ex cōstructione, erit igitur & AH æqualis AG; quare per subtractionē equaliū ab equalibus reliqua DH erit equalis reliquæ IG hoc est Z datæ. Inter perpendicularem igitur DC, & circumferentiam AHB datæ rectæ lineæ Z posita est DH ad punctum A pertingens, quod erat faciendum.

Ex coroll.

36. tertij.

At verò AI maiorem esse quam AC sic demonstrabitur, si enim non sit maior, erit, vel minor, vel æqualis, sed ponitur, & IG hoc est Z minor quam CB, ergo AG tota minor erit quam tota AB, ac proinde rectangulum IAG hoc * est quadratū AE minus erit rectangulo CAB, quod est absurdū, illud enim quadratum huic rectangulo est * æquale, quoniam AE est * media proportionalis inter AB, AC. Maior igitur est AI quam AC, quod erat ostendendum.

36. Tertij.


17. Sexti.

Ex coroll.

8. Sexti.

Diximus oportere datam Z non esse maiorem quam CB, ipsa enim CB est maxima omnium quæ per punctum A ductæ inter perpendicularem DC, & cauam AHB circumferentiam interijciuntur.


Ducatur enim altera quædam recta linea DH, eaque ad punctum A pertingat. Quoniam igitur maior est AB quam AH, & maior AD quā AC, si auferatur AC ab AB, & auferatur quoque AD, quæ est maior quam AC, ab AH minore quam AB, relinquetur CB maior quam DH. Similiter demonstrabimus CB maiorem esse omnibus, quæ per punctum A ductæ inter perpendicularem DC, & cauam AHB circumferentiā interijciuntur; quare manifesta est determinatio.



Constructio Quarti casus.

Sit datus semicirculus AHB , in cuius basim AB cadat perpendicularis DC , data autē recta linea magnitudine sit Z , & oporteat inter perpendicularem DC , & connexam AHB circumferentiam, rectae lineae Z aequalem rectam lineam ponere, quae ad punctum A pertingat.

Ducatur per punctum E in quo perpendicularis DC secat circumferentiam AHB recta linea BEF , ut sit EF aequalis dimidia Z , & iungatur AF , & cētro F iteruallo FE describatur circulus, quem secet AF continuata in punctis G, I , erit igitur recta GI aequalis ipsi Z , & ducta AE continget circulum GEI , in E , rectus est enim angulus AEF , cum sit rectus & angulus AEB in semicirculo. De-



inde in DC ponatur AD aequalis AE secans circumferentiam AHB in H , & iungatur HB . Quoniam igitur quadratū AE * aequale est rectangulo IAG , & aequale quoque rectangulo CAB , est enim EA * media proportionalis inter AC, AB , rectangulum IAG aequale erit rectangulo CAB . AI

E. quoniam aequiangula sunt triangula AHB, ACB nam angulus AHB in semicirculo rectus est, & ideo aequalis angulo ACD recto, & angulus HAB communis. Unde proportionales erunt AH, AB, AC, AD , & rectangulum DAH sub extremis aequale erit rectangulo CAB sub medijs, sed rectangulum IAG ostensum est aequale rectangulo CAB , ergo rectangulum DAH rectangulo IAG aequale erit, atque est AD aequalis AE . ACB AI
ex constructione, erit igitur, & AH aequalis AG , quare per subductionem aequalū ab aequalibus, reliqua DH aequalis erit reliquae IG hoc est Z datae. Inter perpendicularem igitur DC , & circumferentiam AHB datae rectae lineae Z aequalis posita est DH ad punctum A pertingens, quod erat faciendum.

6633
6633


tionis constituit angulum è regione portiois æqualẽ ei quem data portio suscipit, perpendicularis est basi semicirculi, cuius ea portio est ducta à prædicto portiois angulo, quod quidem ita demonstrabitur.

Exponatur enim quælibet circuli portio AHB, & recta linea DC constituat cum ipsius base AB angulum DCA æqualẽ angulo AHB, quẽ ea portio suscipit, & compleatur circulus, cuius diametrum AF hoc est basim semicirculi AHF ductam à puncto A secet recta DC in E. Dico angulum AED esse rectum, ducatur enim AG ipsi AF ad rectos angulos, ea igitur cõtinget circulum AHB in A & angulus CAG

32. Tertijs * æqualis erit angulo AHB hoc ẽ angulo DCA, sũt enim æquales anguli AHB, DCA, quia portio AHB suscipit angulũ æqualẽ ipsi DCA,

quare parallelæ erunt DC, AG, & ideo angulus GAE erit equalis angulo AED, sed rectus est GAE ex constructione, ergo & AED rectus erit, quod erat demonstrandum.

At verò in tertia figura, & quarta angulum CAG esse æqualem angulo AHB sic demonstrabitur. Producat GA in I quoniam



niam igitur angulus I A B æqualis est angulo C A G, sunt enim ad verticē, & * æqualis quoque angulo AHB, erit angulus CAG ^{32. Tertij} æqualis angulo AHB.

Problema igitur de portione circuli propositum, idem est ac si proponeretur de semicirculo, eademque omnino ratione absoluetur.

Detur enim circuli portio AHB, vt supra, & recta linea DC constituat cum ipsius base AB, angulum DCA æqualē ei quem portio AHB suscipit. Oporteatque inter rectam DC, & circumferentiam AHB, data recta linea Z, æqualem rectam lineā ponere, quæ ad punctum A, hoc est ad portionis angulum pertingat. Compleatur semicirculus A H F, si portio A H B sit minor semicirculo, si verò sit maior, abscindatur ab ea semicirculus AHF. Quoniam igitur recta DC perpendicularis est basi semicirculi AF, vt supra demonstraui, erit problema de portione circuli, idem quod de semicirculo, quare eadem quoque ratione absoluetur.

Sed quoniam problema hoc ex eorum numero est, quæ determinata appellantur proponendum est de semicirculo: si enim proponeretur de portione circuli, eius casus non sine maxima difficultate distinguerentur, ac præterea determinari nequirent, nisi prius demonstraretur eam rectam lineam, quæ cum base portionis circuli constituit angulum è regione portionis, æqualem angulo in portione, perpendicularem esse basi semicirculi, cuius ea portio est. ducta à prædicto portionis angulo hoc est nisi prius reuocetur ad problema de semicirculo propositum.

Problema III.

ROMBO dato, & vno latere producto, aptare sub angulo exteriori magnitudine datam rectam lineam, quæ ad oppositum angulum pertingat.

Sit datus rombus ABCD cuius diameter BD, data autem recta linea EG, & producatu AB indefinite in K. Oportet sub angulo CBK, aptare rectam lineam ipsi EG æqualem, ita vt ad oppositum angulum ADC pertingat. Describatur in EG portio circuli EFG, quæ suscipiat angulum æqualem angulo CBK, & compleatur circulus EFGH, cuius diameter FH secet ipsam EG ad rectos angulos, à puncto autem F, ducatur recta linea





C

FLM

FLM, secans circulum in L, ipsam verò GE productam in M, ita vt LM sit æqualis ipsi BD, hoc enim fieri posse iam demonstratum est in quarto casu antecedentis problematis, & iung

tur LG, cui æqualis ponatur BK, & iuncta quoque KD secet latus BC, in I. Dico ipsam IK problema efficere. Iungantur enim LE, EH, HG. Quoniam igitur portio circuli EFG suscipit angulum æqualem angulo CBK, angulus ELG æqualis est ipsi CBK.

Et quoniam quadrilaterum LEHG est in circulo, anguli EHG, ELG oppositi duobus rectis sunt æquales: sed & anguli ABC, CBK æquales sunt duobus rectis, ergo anguli ABC, CBK, angulis EHG, ELG æquales erunt: auferantur æquales anguli CBK, ELG, reliquus igitur ABC, reliquo EHG æqualis erit, sed uterque sectus est bifariam, angulus videlicet ABC, a diametro BD, & angulus EHG, ab ipsa FH, anguli enim EHF, FHG æqualibus circumferentijs EF, FG insistentes sunt æquales, ergo angulus DBC angulo EHF equalis erit, sed angulo EHF, quadrilateri EHFL, in circulo equalis est angulus MLE, externus videlicet interno, & opposito, ergo angulus DBC æqualis est angulo MLE, & per additionem æqualium



ipſi BD: id enim iā docuit ſecundi Problematis caſus tertius, & verò BD minorem eſſe quam FV, inferius demonſtrabitur. Deinde iungatur LG cui æqualis ponatur BK, & iuncta quoque KD producat, donec ſecet BC continuatam in I, & iungatur LE. Quoniam igitur portio circuli EFG ſuſcipit angulum æqualem angulo CBA, angulus ELG angulo CBA æqualis erit.

Et quoniam LH diuidit angulum ELG bifariam, anguli enim ELH, HLG, æqualibus circumferentijs EH, HG, inſiſtētes ſunt æquales: ſimiliter & BD diameter rombi diuidit angulum CBA bifariam, erit angulus HLG angulo DBK æqualis: eſt autem & latus LG æquale lateri BK ex conſtructione, & latus LM æquale lateri BD, trian-


26. Primi

gula igitur LGM, BKD, æqualium erunt laterum & angulorum, vnde angulus LGM æqualis erit angulo k. Quoniam igitur trian- guli LGE angulus LGM æqualis eſt angulo k, trian- guli BKI, & angulus ELG æqualis angulo IBK, vt eſt demonſtratum, atque recta LG æqualis rectæ BK ex con-


26. Primi

ſtructione, erit & EG ipſi IK æqualis. Sub angulo igitur CBA, aptata eſt IK æqualis EG datæ, atque ad punctum D, hoc eſt ad angulum CDA pertingit, quod erat faciendum.

At verò BD minorem eſſe quam FV, ſic demonſtrabitur. Iungantur EF, FG, angulus igitur EFG æqualis eſt angulo CBA, quoniam portio circuli EFG ſuſcipit angulum æqualem ipſi CBA,



CBA, sed vterque sectus est bifariam à rectis lineis FH, BD, ergo angulus VFG æqualis erit angulo DBO, est autem & angulus FVG angulo BDO æqualis: rectus enim est vterque, ergo,



& reliquus reliquo æqualis erit, similia igitur erunt triangula FVG, BDO, vt igitur OD ad DB, ita erit GV ad VF, & permutando, vt OD ad GV, ita DB ad VF, sed OD minor est quam GV: quandoquidẽ tota ON, quæ est dupla ipsius OD, ponitur minor quam EG, dupla videlicet ipsius GV, ergo, & BD minor erit quam FV, quod erat demonstrandum.

Diximus autem oportere ipsam EG non esse minorem quam ON, quia ON minima est omnium, quæ per punctum D ductæ, inter producta latera BA, BC interijciuntur.

Ducatur enim per punctum D, altera quædam





recta linea IDK. Quoniam igitur angulus CBA sectus est bifariam à diametro BD, angulus DBN æqualis erit angulo DBO, sed & angulus BDN æqualis est angulo BDO, rectus videlicet recto, ergo & reliquus reliquo æqualis erit, triangula igitur BDN, BDO, similia erunt, sed & æqualia, quia latus BD commune est vtrique, ergo ND æqualis erit ipsi DO, & angulus BOD æqualis angulo BND, sed angulus BOD maior est angulo k, externus videlicet interno, & opposito, ergo & angulus BND angulo k maior erit, fiat igitur angulo k æqualis angulus DNP, ergo æquiangula erunt triangula PND, OKD, quia æquales habent & angulos ad D, vt igitur DK ad DO, ita erit DN ad DP, sed Dk maior est quam DO, ergo & DN quam DP maior erit, itaque quoniam maior est Dk, quam DO.



DO, hoc est
quam DN,
& DN ma-
ior quā DP,
erit Dk om-
nium maxi-
ma, & DP
minima, &
quoniā qua-
tuor rectæ li-
neæ propor-
tionales sūt
Dk, DO,
DN, DP, at-
que est ma-
xima quidē
Dk, minima
verò DP, e-
rit Pk com-
posita vide-
licet ex ma-
xima, & mi-
nima, * ma-
ior quā NO
cōposita ex
reliquis, er-
go Ik mul-
to maior e-
rit, quā NO.
Similiter de-
mōstrabitur
NO mino-
rem esse om-
nibus, quæ
per pūctum

es. quin-
tij.

D ducuntur, quare manifesta est determinatio.



Problema

Problema V.

DATIS duobus semicirculis indirectum bases habentibus, inter ipsorum circumferentias ponere rectam lineam magnitudine datam, quæ ad angulum unius semicirculorum pertingat.

Hoc problema sicuti varias habet datorum semicirculorum positiones, ita varios habet casus, quorum unusquisque sua indiget determinatione, causa magnitudinis datæ rectæ lineæ, ad quos explicandos, ordinandosque (excogitavi enim solutionem) animus requiritur plane solutus, ac vacuus: talis in præsentia non est meus, quod cum à Republica nostra Constantinopolim legatus mittar, ad exponendum potius, legationem, quam ad problema explicandum, animum applicem necesse est. Distulissem autem, ut omnia simul evulgarentur, libri editionem ad redditum meum libentissimè, nisi Nicolaus Tuditijs, & Luca Bonus, ingeniosi sanè viri, & prudentes, mihi quæ coniunctissimi, aliud mihi suasissent: aiebant enim hac arte excitari, acuique multorum ingenia posse, ut dum problematis solutionem desiderant, ipsi interim studeant excogitare solutionem, aquieui: edidi librum: proposito tantum non soluto problemate, expecto dum solvatur ab alio. Ego interim amice lector, ne videar, aut invidisse tibi, aut de fuisse mihi, cum primum ex legatione ocij, aliquid nactus fuero, absoluam tibi problema, imponam operi fastigium, satisfaciā muneri meo, voluntati tuæ.

1881

1881

1881

1881

1881

1881

1881


1881

1881

MARINI
GHETALDI
PATRITII
RAGVSINI
SVPPLEMENTVM
Apollonij Galli.

Sen,

EXSVSCITATA APOLLONII PERGAEI
Tactionum Geometriae pars reliqua.
CVM PRIVILEGIIS.



V E N E T I I S,

Apud Vincentium Fiorinam.

M D C V I I.



V I R O

ILLVSTRISSIMO
PAVLO EMILIO

CAESIO.

E MARCHIONIBVS RIANI,

Marinus Ghetaldus S. P. D.



TV SCVLVM, quod ex facta
ad Apolloniũ Gallum accessione, sup
plementum Apollonij Galli nomina
ui, tuorum erga me ingentium meri
torum capio esse testem. Nobilitatis.
Sapientie, ceterarumque virtutum
tuarum, ac praesertim benignitatis,
qua viros doctos complecteris, monumenta extant multa,
multaque deinceps ponentur. Id quod proprium mihi est,
ego pra me feram, palamque profitebor, tu mihi studia mea,
tu laborum anteaetæ vitæ susceptorum fructum, tu vitam
ipsam reddidisti, quod scribo tuum est, ut igitur beneficij
tui hic liber est fructus, ita sit testis.

Vale. Ragusij Pridie Nonas Maij M DC VI.

AD LECTOREM.

DECIM Apollonij Pergæi magni Geometræ problemata, Franciscus Vieta, Seu Apollonius Gallus, non minor Geometra fœliciter construxit. At in libro tactionum Apollonij Pergæi sexdecim problemata erant: sic enim refert Pappus Alexandrinus in septimo collectionum Mathematicarû libro

EX INTERPRETATIONE

Comandini.

DEINCEPS sequuntur duo libri tactionum, propositiones autem in ipsis videntur esse plures; sed nos vnam posuimus, quæ sic habet. Punctis, & rectis lineis, & circulis, tribus quibuscunque positione datis, circulum describere per vnumquodque datorum punctorum, qui vnamquamque linearum datarum contingat. Huius ob similitudinem datorum in positionibus similium, vel dissimilium, particulares propositiones differentes fieri necessarium est, ex tribus enim dissimilib. generibus triadis differentiae inordinatae sunt numero decem, vel enim data tria puncta, vel tres rectæ lineæ, vel duo puncta, & recta linea, vel duæ rectæ lineæ, & punctum, vel duo puncta, & circulus, vel duo circuli, & punctum, vel duo circuli, & recta linea, vel punctum, & recta linea, & circulus, vel duæ rectæ lineæ, & circulus, vel tres circuli. Horum prima duo ostensa sunt in quarto libro, primorum elementorum, quæ ab eo scripta sunt, illud enim tribus datis punctis, quæ non sint in recta linea, idem est quod circa datum triangulum circulum describere, at illud datis tribus rectis lineis, quæ non sint parallelæ, sed omnes inter se conueniant, idem est quod in dato triangulo circulum describere. Etenim si duæ sint parallelæ, & vna incidat, est veluti pars sextæ subdiuisionis. Describuntur in his omnia, & sex quæ deinceps sunt in primo libro, duo verò reliqua videlicet, duabus datis rectis lineis, & circulo, vel tribus datis circulis tantum in secundo libro. Cum autem ob multas tum circularum, tum rectarum linearum inter se positiones, quæ pluribus determinationibus indigent, homogeneæque sunt, ac eiusdem naturæ cum prædictis tactionibus, multitudo quædam oriatur Problematum, factum est, vt ab ijs, qui libros digesse-

f

digesserunt omiſſa fuerit in hoc ſecundo libro, à nonnullis autem priori libro addita ſit. Erat enim brevis introductioni quæ imprimis accommodatus, in eo quæ abſoluebatur vniuerſum genus tactionum. Rurſus autem vnica tantum propoſitione omnia complectar, quæ quidem hypotheſi à prædicta deficiat, epitagmate verò abundet, eſt autem huiusmodi.

Ex punctis, & rectis lineis, & circulis, quibuſcunque duobus datis, circulum deſcribere magnitudine datum, qui per datum punctum, vel data puncta tranſeat; contingat autem vnamquamque datarum linearum, hæc continet problematum ſpecies numero ſex: ex tribus enim diſſimilibus generibus dualitatis, differentiæ inordinatæ ſiunt numero ſex: nam vel duobus datis punctis, vel duabus datis rectis lineis, vel duobus datis circulis, vel puncto, & recta linea, vel puncto, & circulo, vel recta linea, & circulo, datum magnitudine circulum deſcribere, vt dictum eſt, &c.

Non igitur exſuscitaui Apollonius Gallas vniuerſam Apollonij Pergæi tactionum Geometriam, omiſit enim ſex problemata ad illam Geometriam pertinentia, ſed ea ſupplebimus, & ſic Apollonius Gallus, non ſine Illyrico Apollonium Pergæum, qui extinctus iniuria temporum, vel à barbaris oppreſſus iacebat, excitabit.



M A R I N I
G H E T A L D I
P A T R I T I I
R A G V S I N I
S V P P L E M E N T V M
Apollonij Galli.


Seu,

*EX SVSCITATA APOLLONII
Pergæi tactionum Geometriæ pars reliqua.*

Problema I.

PER data duo puncta circulum magnitudine datum describere. Oportet autem diametrum describendi circuli non esse minorem intervallo punctorum.

Sint data duo puncta A, B, data quoque recta linea magnitudine Z. Oportet per A, B, circulum describere, cuius semidiameter sit æqualis datæ rectæ lineæ Z. Centro A intervallo rectæ Z æquali, describatur circulus, item centro B intervallo eodem alius circulus describatur secans priorem, vel tangēs in E, ex vi determinationis præmissæ ipsum tanger, vel secabit, & iungantur AE, BE. Si igitur circulus describatur ex E centro, intervallo EA, vel EB, transibit per A, B, puncta, eiusque semidiameter æqualis, erit Z. datæ. atque adeo factum erit, quod oportuit.




Problema


Problema II.

DATIS duabus rectis lineis; circulum magnitudine datum describere, qui datas rectas contingat. Oportet autem si data rectæ lineæ sint parallelæ, diametrum describendi circuli æqualem esse parallelarum intervallo.

Sint datæ duæ rectæ lineæ positione AB, CD, data autem recta linea magnitudine Z. Oportet circulum describere, qui datas AB, CD, contingat, habeatque semidiametrum æqualem ipsi Z. Si AB, CD, sint parallelæ, ducatur inter ipsas perpendicularis IG, quæ secetur bifariam in H, & centro H, intervallo HG, vel HI, describatur circulus, eius igitur semidiameter HG, vel HI, ex determinatione Problematis, erit æqualis Z datæ, & circulus cuius centrum H contingeret rectas AB, CD, in punctis G I.



Si verò AB, CD, non sint parallelæ, conuenient inter se, conueniant in E, & secetur bifariam angulus BED, à



recta linea EH, & ducat EF ipsi ED perpendicularis, datæ verò Z æqualis, & ipsis EH, EF, agantur parallelæ FG, GH, & cetero H intervallo HG, describatur circulus GK, quoniã igit parallelæ sunt EF, HG, angulus HGE, æ-

qualis erit angulo FEG, sed rectus est FEG ex constructione, ergo & HGE, rectus erit: circulus igitur GK, contingeret rectam ED,

26. *Primi* ED, in G. Iam agatur HI, perpendicularis ipsi AB, *erunt igitur triangula HEI, HEG equalium laterum & angulorum, sunt enim anguli EIH, EGH, æquales nempe recti, & æquales quoque anguli IEH, GEH, quia EH dividit totum angulum IEG, bifariam, latus autem EH commune est utrique triangulo, quare HI, æqualis erit HG, circulus igitur GK transibit per I, atque rectam AB continget in ipso I puncto. Et quoniam parallelogrammum est EFGH, erit GH, æqualis EF, sed EF æqualis est ipsi Z, ex constructione, ergo & GH, vel HI ipsi Z æqualis erit. Descriptus est igitur circulus GK, qui datas AB, CD, contingit in GI, habetque semidiametrum HG, vel HI, æqualem Z datæ, quod erat faciendum.

Problema III.

DATIS duobus circulis tertium circulum magnitudine datum describere, qui datos circulos contingat.

Varios casus hoc Problema habet, propter varias datorum circulorum positiones, & variam descriptionem circuli magnitudine dati, quorum casuum sex sunt principales, eorum enim conditionibus reliqui omnes subijciuntur.

Determinatio Primi casus.

Vt circulus describendus tangatur extra, oportebit eius diametrum non esse minorem segmento rectæ lineæ centra duorum datorum circulorum conectentis, quod inter connexam utriusque circumferentiam interijcitur.

Determinatio Secundi casus.

Vt circulus describendus tangatur intus, oportebit eius diametrum non esse minorem, ea recta linea, quæ duorum datorum circulorum conectens centra, inter eam utriusque circumferentiam interijcitur.

Determinatio Terti casus.

Vt circulus describendus, ab vno datorum tangatur extra, ab altero

altero intus, oportebit eius diametrum non esse minorem segmento rectæ lineæ, centra duorum datorum circuloꝝ conectentis, quod inter conuexam circumferentiam vnus, & cauam alterius interijcitur.

Determinatio Quarticæ casus.


Si vnus datorum circuloꝝ includat alterum, & vt circulus describendus tangatur extra, oportebit eius diametrum, nec esse maiorem segmento maiori rectæ lineæ, centra duorum datorum circuloꝝ conectentis, quod inter cauam circumferentiã vnus, & conuexam alterius interijcitur, nec minorem segmento minori.

Determinatio Quinticæ casus.

Vt circulus describendus ab vno datorum tangatur extra, ab altero intus, oportebit eius diametrum, nec esse maiorem segmento maiori rectæ lineæ, centra duorum datorum circuloꝝ conectentis, quod inter cauam vtriusque circumferentiam interijcitur, nec minorem segmento minori.

Determinatio Sexticæ casus.

Si denique duo dati circuli se inuicem secant, & vt circulus describendus ab vtroque datorum inclusus tangatur, oportebit eius diametrum nō esse maiorem segmento rectæ lineæ, centra duorum datorum circuloꝝ conectētis, quod inter cauam vtriusque circumferentiã interijcitur, in eo loco in quo describendus est circulus.






Potest etiã alios tres casus hoc Problema habere, si duo dati circuli se inuicem secant, sed quoniã similes sunt primo, secundo, & quarto casui, iisdemque profus determinatio-


nibus

nib. indigent, præter eū, qui similis est primo, nullaque determinatione indiget, omituntur, omituntur etiam plures alij, quos potest habere, si dati duo circuli se invicem contingant, quia sunt iidem qui supra, eademque ratione absoluntur.

Prima figura ad primum casum pertinet, secunda ad secundum & sic deinceps.

Sint igitur dati duo circuli, quorum centra AB, data quoque recta linea magnitudine Z. Oportet tertium circulū describere, q̄ datos circulos contingat, habeatq; semidiametrum equalē rectæ lineæ Z, Iungatur AB, & ubi res postulerit producat, secās circulos AB, in punctis C, D, & ipsi Z sumantur æquales CI, DH, & describātur duo circuli, unus ex A, centro, intervallo AI, alter ex B, in intervallo BH, secās priorem vel tangens in E, ex vi terminationis illum tanget, vel secabit, deinde ducantur duæ rectæ lineæ EAF, EBG, illa secans circulum A, in F, hæc circulum B, in G, & centro E, intervallo EF, describatur circulus FK, quoniam igitur AF, AC, sunt æquales, ut semidiametrum







media metri, & æquales quoq; AI, AE, erunt æquales, & FE CI, sed CI, æqualis est ipsi Z, ex constructione, ergo & FE, ipsi Z, æqualis erit. Rursum quoniam æquales sunt BD, BG, & æquales quoque BH, BE, erunt æquales & DH, GE, sed DH, æqualis est ipsi Z, ex constructione, ergo & GE, ipsi Z, vel FE, æqualis erit, circulus itaque FK, transibit per G, Quoniam igitur circulus FK, secat rectas EA, EB, per centra datorum A, B, circulorum ductas in punctis F, G, in quibus eadem secant ipsi quoque circuli, circulus FK, circulos A, B, continget in punctis F, G, Descriptus est igitur circulus FK, qui datos A, B, circulos contingit in F, G, habetque semidiametrum EF, vel FG, æqua-

lem Z, data, quod erat faciendum.

Problema IV.

DATO puncto, & recta linea, circulum magnitudine datum describere, qui per datum punctum transiens datam rectam contingat. Oportet autem diametrum describendi circuli non esse minorē ea perpendiculari, quæ à dato puncto ad datam rectam ducitur.

Sit datum punctum A, data quoque positione recta linea BC, ac data denique altera recta magnitudine Z, Oportet per A, circulum describere, qui rectam BC, contingat, eiusque semidiameter æquetur Z, datæ. Ducatur AD, ad rectos angulos ipsi BC, & sumatur DE, æqualis Z, deinde agatur EF, parallela ipsi BC, & in ea ponatur AF, æqualis 2 ex videterminationis, data Z nō est minor quam AE, deinde centro F in intervallo FA, describatur circulus AK, & ipsi AD, parallela agatur FG, quoniam igitur FGDE, parallelogramū est, erit FG, æqualis ED, hoc est ipsi FA, vel Z, quare circulus AK, transibit per G, atque ipsam BC, continget in ipso G puncto, angulus enim BGF, rectus est, cum sit æqualis angulo recto BDE, ratione parallelarum FG, DA, Descriptus est igitur per A punctum circulus AK, qui datam BC, contingit in G, atq; eius semidiameter FG, vel FA, æqualis est Z, datæ, quod erat faciendum.



Problema V.

DATO puncto, & circulo, alterum circulum magnitudine datum describere, qui per datum punctum transiens circulum datum contingat.

Hoc Problema tres casus habet, quorum vnusquisque determinatione indiget.

Determinatio Primicæ.

Vt circulus describendus tangatur extra, oportebit eius diametrum non esse minorem segmento rectæ lineæ centrum dati circuli, & punctum datū conectentis, quod inter ipsum punctum, & conuexam dati circuli circumferentiam interijcitur.



Deter.

Determinatio Tertij casus.

Vt circulus describendus inclusus à dato circulo tangatur, oportebit datam rectam lineam esse in circulo dato, & cum ipsa data secuerit diametrum circuli dati ad rectos angulos, diametrum describendi circuli non esse minorem segmento maiori diametri circuli dati.

maior

*vel minorem
minore*



Prima figura, vt in alijs factum est ad primū casum pertinebit, secunda verò ad secundum, ac tertia ad tertium.


Sit data recta linea positione BC, data quoque altera magnitudine Z, ac datus denique circulus cuius centrum A. Oportet alterum circulum describere, qui rectam BC, & circulum A contingat, ac præterea eius semidiameter sit æqualis Z datæ, ducatur AB perpendicularis ad BC, secans circulum A in D, & sumantur BG, DF, æquales ipsi Z, ipsi autem BC, parallala agatur GE, & centro A, interuallo AF, describatur circulus, is autem ex vi determinationis tãget, vel secabit rectam GE, tangat vel secet in E, & iungatur AE, & si res postulauerit producat, secans circulum A in H. centro denique E, interuallo EH, describatur circulus HI, is igitur continget circulum cuius centrum A, in H, & quoniam æquales sunt AD, AH, vt semidiametri, & æquales quoque AF, AE, erunt æquales & DF, HE, sed DF æqualis est ipsi Z ex constructione, ergo & HE ipsi Z æqualis erit. Iam agatur EC ipsi BC perpendicularis, erit igitur GBCE parallelogrammum, ac proinde GB æqualis EC, sed GB æqualis est ipsi Z, ex constructione, ergo & EC,

lum cuius centrum A, in H, & quoniam æquales sunt AD, AH, vt semidiametri, & æquales quoque AF, AE, erunt æquales & DF, HE, sed DF æqualis est ipsi Z ex constructione, ergo & HE ipsi Z æqualis erit. Iam agatur EC ipsi BC perpendicularis, erit igitur GBCE parallelogrammum, ac proinde GB æqualis EC, sed GB æqualis est ipsi Z, ex constructione, ergo & EC,

EC, ipsi Z æqualis erit; circulus igitur HI transibit per C, atque ipsam BC continget in ipso C puncto, angulus enim ECB re-
ctus est ex constructione. Descriptus est igitur circulus HI, qui
datam BC contingit in C, datum verò circulum cuius centrum
A, in H, atque eius semidiameter EH, vel EC æqualis est Z da-
tæ quod erat faciendum.

Addatur ad Apollonij Galli Supplementum, id etiam quod
sequitur.


Constructio problematis o-
stauit manca est, vel eam Typo-
graphus deprauavit, vel aduer-
saria non bene reuifit Vieta, in
figuris enim defunt lineæ AB,
AF, in demonstratione verò nō
ostendit differentiam quadra-
torum AB, AF æqualem esse ei,
quod fit sub BG, BF, illud autem
licet verissimum sit, nulla ratio-
ne patet ex se; quare cōstructio-
nem illam sic restituo.



Problema VIII. Apollonij Galli.

DAT IS duobus punctis, & circulo, per data duo puncta circulum describere, qui datum contingat.

Sint data duo puncta B. D. ac præterea circulus EFG, cuius A centrum. Oporteret per puncta B. D. circulum describere, qui circulum GEF contingat, iungantur DB. AB ipsaque AB producat, donec secet circulum GEF, in punctis K. I, & fiat ut BD, ad BK, ita BI, ad BH, rectangulum igitur DBH, sub extre-



mis æquale erit rectangulo KBI sub medijs. Deinde circulum GEF tangat recta HF, & conectatur BF, secans circulum EFG, tum in F, tum in G, & conectatur quoque DG, secans eundem
C circulum

circulum in E, & per puncta G, D, B, describatur circulus, & iungatur E F. Quoniam igitur rectangulum DBH æquale est rectangulo K B I, hoc est rectangulo G B F, puncta D, G, F, H, erunt incirculo, & angulus HFB æqualis erit angulo GDB: in prima enim & secunda figura, angulus externus quadrilateri incirculo, æqualis est interno, & opposito, in tertia verò, & quarta figura, sunt ipsi anguli in eadem portione circuli, sed angulus HFB æqualis est angulo G E F, ergo angulus G E F angulo GDB æqualis erit; quare similia erunt triangula GDB, GEF sub eodem Guertice. Vnde descripti circuli duo, vnus per puncta G, E, F, alter per puncta, G, B, D, se se contingunt in G cōmuni vertice. Descriptus est igitur per D, B puncta circulus D B G, circulum G E F tangens in G, quod erat faciendum.

Atque hæc ad Apollonij Galli Supplementum,
dicta sufficiant.

F I N I S

MARINI
GHETALDI
PATRITII
RAGVSINI,
VARIORVM
PROBLEMATVM
COLLECTIO.
CVM PRIVILEGIIS.



V E N E T I I S,

Apud Vincentium Fiorinam.

M D C V I I.



V I R O
ILLVSTRISSIMO
M A R I N O
G O Z I O,
P A T R I T I O
R A G V S I N O
Marinus Ghetaldus S. P. D.



ESIODVS Scriptor sanè iuxta antiquus, ac nobilis, in referenda gratia imitari nos iubet agros fertiles, qui plus multo afferunt quàm acceperunt. Ego Marine si voluntati responderet facultas feraces agros non imitarer modo, verum etiam superare. Enimverò ingenij mei quasi ager haud scio, an potiore quam te colonum agnoscat, qui dum me patria corporis verius alumna, quam animi, in alienas terras ingeniorum altrices unà tecum extraxisti, quasi coluisti agrum, quam autem gentem ad Doctorum multiplici-
tatem sex annis una peregrinati non adiuvimus? Superiorem Germaniam omnem percurrimus: inferiorem totam,

*Belgiumque lustrauimus: duos annos confedimus in Bri-
tania: Galliam deinde peragrauimus, & Italiam uni-
uersam, quas inter gentes, quot ego Doctores naetus sum
(naetus autem sum plures) tot agro tu quasi praefecisti o-
perarios. Accipe igitur ex culto agello, eo quo tibi offertur
Studio, huius anni fructum (praeteritorum enim ideo non
obtuli, quia si uetus dare tibi nolui nisi praegustatos proba-
tosque) qui si fortè minor est semente, totus est certè quem
messui: talisque qui à Domino omnibus Reipublica nostra
muneribus perfuncto suam mutuabitur amplitudinem,
suum decus.*

Vale. Ragusij 13. Kal. Iunij M DC VI.

M A R I N I
G H E T A L D I
V A R I O R V M
P R O B L E M A T V M
C O L L E C T I O.



INTER Problemata, quæ construere aggredior, sunt quædam Ioannis Regiomontani, quorum Geometricam constructionē ipse non exhibet, quamvis ea Algebrice, vel per sinus explicet. At problemata, quæ Algebrice explicari possunt, dummodo quadratorum metam æquationes non excedant, possunt quoq; & Geometrica ratione cōstrui, qua methodo, quauē ratione,

in libro de resolutione, & cōpositione abunde explicabimus. Interim problemata illa Regiomōtani Geometricè construā, quæ vt ab alijs dignoscantur, erunt in margine notata, reliqua verò partim à Clauio, & Griembέργerio, quorum in Mathematicis disciplinis præstantiam nemo non nouit, nemo non admirat, partim à Iacobo Restio, cuius breui aliquid illucescet ingenij, mihi proposita fuerunt ad construendum, partim à me ipso excogitata.

Perpendicularis trianguli vocatur ea recta linea, quæ ab angulo verticis cadit in basim ad rectos angulos.

Segmenta basis dicuntur ea quæ fiunt à perpendiculari.

L E M M A I.

DIFFERENTIA segmentorum basis trianguli maior est quam laterum differentia.


Exponatur enim triangulum ABC, in quo perpendicularis AD secet basim in duo segmenta BD, DC, & centro A, intervallo

nallo AB, quod sit latus minus, de scribatur circulus BFE secans latus AC in E, basim verò BC in F, est igitur latus AB, AC, differentia EC, differentia verò segmentorum BD, DC, ipsa FC sunt

3. Tertiij. * enim BD, DF æquales, & quoniam AC ad centrum pertingit,

8. Tertiij. ipsius pars exterior EC minima * erit incidentium circulo ab eodē


C puncto; quare FC differentia segmentorum basis, maior erit quam EC, differentia latus, quod erat ostendendum.



LEMMA II.

SI duo rectangula fuerint æqualia, fuerint autem quadrata laterum primi, æqualia quadratis laterum secundi, latera primi lateribus secundi æqualia erunt, maius videlicet maiori, minus minori.

Sit rectangulum ABC æquale rectangulo DEF, & quadrata AB, BC, simul sumpta æqualia quadratis DE, EF simul sumptis. Dico rectas AB, BC rectis DE, EF æquales esse, maiorem videlicet maiori, minorem minori.



Quoniam enim quadrata AB,

BC æqualia sunt quadratis DE, EF, & rectangulum ABC æquale rectangulo DEF, quadrata AB, BC, vnà cum rectangulo ABC æqualia erunt quadratis DE, EF, vnà cum rectangulo DEF, duplicentur rectangula ABC, DEF, quadrata igitur AB, BC, vnà cum duplo rectanguli ABC hoc est * quadratum AC, æquale

4. Secūdi

4. Secūdi.

erit quadratis DE, EF, vnà cum duplo rectanguli DEF, hoc * est quadrato DF, quare & recta AC æqualis erit rectæ DF. Iam secentur ipsæ AC, DF, bifariam in G, & H, erunt igitur AG, DH,

5. Secūdi.

æquales, & æqualia quoque earum quadrata, sed quadratum * AG æquale est rectangulo ABC, vnà cum quadrato GB, & qua-

5. Secūdi.

dratum * DH æquale rectangulo DEF, vnà cum quadrato HE, rectangulum igitur ABC, vnà cum quadrato GB æquale erit

rectan-

rectangulo DEF, vnà cum quadrato HE, auferantur æqualia re-
ctangula ABC, DEF, reliquum igitur quadratum GB, reliquo
quadrato HE æquale erit, vnde & recta GB æqualis rectæ HE,
quare per additionem, & subductionem æqualium æqualibus,
erit AB æqualis DE, & reliqua BC æqualis reliquæ EF, quod
erat ostendendum.


Problema I.

DAT A perpendiculari, differentia laterum triangu-
li, & differentia segmentorum basis, inuenire trian-
gulum.

Sit data perpendicularis trianguli AB, differentia laterum *Prob. 23.*
BC, & differentia segmentorum basis, Z, oportet inuenire trian- *lib. secun-*
gulum. Inclinentur ad rectos angulos AB, BC, ipsaque BA du- *di de tria-*
plicetur in D, & in ea ponatur CE æqualis Z, est autem ipsa Z *gulis Re-*
gio mon-

ex antecedente, *tani,*
quod primo lo-
co præmissum
est Lēmate, ma-
ior quam BC,
deinde produca-
tor CB in F, vt sit
BF æqualis BE,
& iungatur FD,
& pducatur quo-
que AB in G, vt
sit EG æqualis
DE, ipsi autem
BC parallela a-
gatur GH, secās
EC continuatā
in H, & in ea su-

mat H I æqualis EC, reliqua verò IG secetur bisariam, & ad
rectos angulos in K a recta linea KL æquali ipsi BA, & iungan-
tur GL, LH, in triangulo igitur LGH perpendicularis LK æqua-
lis est AB ex constructione, & IH differentia segmentorū GK,
KH æqualis EC, hoc est ipsi Z. Superest igitur, vt differentia la-
terum



terum LG LH æquetur ipsi BC, id autem ita fiet manentium.

Centro L, intervallo LG describatur circulus secans rectam HL continuatam in punctis M, N, differentia igitur laterum LG LH erit NH, & circulus MGN transibit per I, sunt enim GK, KI æquales, & LK perpendicularis est ipsi GI.

Quoniam igitur MH secata est in N, quadrata MH, HN æqualia * erunt duplo rectanguli MHN, vnà cum quadrato MN, hoc est vnà cum quadruplo quadrati LG, diameter enim MN dupla est LG semidiametri, sed duplum rectanguli MHN æquale est duplo rectanguli GHI, & quadruplum quadrati LG, æquale quadruplo quadratorum GK, LK, hoc est quadratis GI, DB, sunt enim GI, DB ipsarum GK, LK duplæ, ergo quadrata MH, HN æqualia erunt quadratis GI, DB, vnà cum duplo rectanguli GHI, sed quadratum GI vnà cum duplo rectanguli GHI, * æquale est quadratis GH, IH, hoc est GH, EC, quadrata igitur MH, HN quadratis GH, EC, DB æqualia erunt, sed quadrato EC æqualia sūt quadrata EB, BC, hoc est FB, BC, ergo quadratis MH, NH, quadrata GH, DB, BC, FB æqualia erunt, quadratis autē DB, FB æquatur quadratum DF, hoc est EG, ergo quadrata MH, NH æqualia erunt quadratis GH, BC, EG, sed quadratis EG, GH æquatur quadratum EH, ergo quadratis MH, NH æqualia erunt quadrata EH, BC.

Et quoniam ratione parallelarum BC, GH, est vt EH ad GH, ita EC, id est IH ad BC: rectangulum EH BC sub extremis æquale erit rectangulo GHI sub medijs, hoc est rectangulo MHN, sed & quadrata EH, BC ostēsa sunt æqualia quadratis MH, NH, ergo ex antecedente, quod secundo loco præmissum est Lemmate, recta MH ipsi EH erit æqualis, & NH ipsi BC, quod erat ostendendum. Constructum est igitur triangulum LGH, in quo perpendicularis LK æqualis est AB, ipsa verò NH differentia laterum, æqualis BC, ac denique IH differentia segmentorum basis, æqualis Z, quod erat faciendum.

CONSECTARIVM.

Itaque erit vt recta, quæ potest differentiam quadratorum ex differentijs laterum videlicet, & segmentorum basis, ad rectam, quæ potest quadratum perpendicularis duplæ, & prædictam quadratorum differentiam, ita differentia laterum ad basim, & ita differentia segmentorum basis ad laterum aggregatum.

Est enim vt EB ad EG, hoc est ad DF, ita BC, vel NH ad GH,

&

& ita EC, seu IH ad EH, hoc est ad MH, cui æqualis est composita ex GL, LH.


In numeris sit LK 20, NH 27, IH 33, erit GH 63, composita ex GL, LH 77, unde LG 25, LH 52.

Est enim ut L 360, ad L 1960, id est ut L 9, ad L 49, seu 3, ad 7, ita 27, ad 63, & ita 33, ad 77.

LEMM A.

RECTA quæ potest quadratum composita ex lateribus trianguli, minus quadrato differentie segmentorum basis, maior est perpendiculari dupla.

Sit triangulum ABC, in quo perpendicularis AD, secet basim BC in duo segmenta inæqualia BD, DC, quorum differentia sit BE, & continuetur BA in F, longitudine AC, erit igitur BF composita ex lateribus BA, AC, æqualis, itaque in ipsa BF, describatur semicirculus BGF, in quo accommodetur BG æqualis BE, & conectatur GF, recta igitur GF poterit quadratū BF, composita ex lateribus, minus quadrato GB, hoc est BE differentie segmentorum basis: angulus enim BGF in semicirculo rectus est. Dico ipsam GF maiorem esse dupla perpendiculari AD. Quoniam enim quadratum BF constat quadratis BA, AF, & duplo rectanguli BAF, duplum verò rectanguli BAF, maius est duplo quadrati AD, nam utraque ipsarum BA, AF maior est ipsa AD, quadrata quoque BA, AF simul maiora sunt



duplo quadrati AD, pro quâ titate quadratorum BD, DC: quadratū igitur BF quadruplo quadrati AD multo maius erit, quam pro quantitate quadratorum BD, DC, sed quadratū BF maius est quadrato GF, pro quâ titate quadrati GB tantum, hoc est BE, ergo quadratum GF, maius erit quadruplo quadrati AD,


hoc est quadrato AD duplæ, quare & GF maior erit, quam AD dupla, quod erat ostendendum.

B Problema

Problema II.

DAT *A* perpendiculari, aggregato laterum trianguli, & differentia segmentorum basis, inuenire triangulum.

Sit data perpendicularis trianguli *A*, aggregatum alterum *B*, & differentia segmentorū basis *CD*. Oportet inuenire triangulum: à puncto *D*, ipsi *CD* ducatur perpendicularis *DE*, & in ea ponatur *CE* æqualis ipsi *B*, & describatur semicirculus *EFD*, in quo accommodetur *DF*, æqualis duplæ ipsius *A*, hoc autem fieri potest, nam ex antecedente Lemmate, *ED* maior est quam *A* dupla, conectatur igitur *EF*, cui æqualis ponatur *EG*, ipsi autem *DC* parallela agatur *GH*, secans *EC* in *H*, & ponatur *EL* æqualis *CD*, reliqua verò *IH* secetur bifariam, & ad rectos angulos in *K* à recta *KL* æquali ipsi *A*, & conectantur *EL*, *LH*, & centro *L*, interuallo *LH*, describat̃ circulus *HMN*, tecans *EL* productā in punctis *M*, *N*. Quoniam igitur ex *L* centro cadit in *IH* perpendicularis



7. Secūdi. *LK* secans ipsam *IH* bifariam, circulus cuius centrum *L* transiens per *H*, transibit & per *I*. Et quoniam secta est *EN* in *M*, quadrata *EM*, *EN* * æqualia erunt duplo rectanguli *MEN*, vnā cum quadrato *MN*, hoc est cum quadruplo quadrati *LH*, diameter enim *MN* dupla est *LH* semidiametri, sed duplum rectanguli *MEN* æquale est duplo rectanguli *IEH*, & quadruplum quadrati *LH* æquale quadruplo quadratorum *LK KH* hoc est quadratis *DF*, *IH*, sunt enim *DF*, *IH* ipsarum *LK*, *KH* duplæ

dupla, ergo quadrata EM, EN æqualia erunt quadratis DF, IH, vna cum duplo rectanguli IEH: quadrato autem IH, vna cum duplo rectanguli IEH, * æqualia sunt quadrata EI, EH, hoc est 7. Secūdi. CD, EH, quadratis igitur EM, EN, quadrata DF, EH, CD æqualia erunt, sed quadrato EH æqualia sunt quadrata HG, EG, hoc est HG, EF, ergo quadratis EM, EN æqualia erunt quadrata DF, CD, HG, EF, at quadrata DF, EF æqualia sunt quadrato ED, quadrata igitur EM, EN æqualia erunt quadratis ED, CD, HG, sed quadrata ED, CD quadrato EC sunt æqualia, ergo quadrata EM, EN quadratis HG, EC, æqualia erunt.

Et quoniam propter parallelas CD, HG est EH, ad HG sicut EC, ad CD, hoc est ad EI, rectangulum IEH sub extremis, hoc est MEN æquale erit rectangulo ECHG sub medijs, sed & quadrata EM, EN ostensa sunt æqualia quadratis HG, EC, ergo ex Lemmate 2, quod primo Problemati præmissum est, recta EM æqualis erit ipsi HG, & EN composita videlicet ex lateribus EL, LH æqualis EC, hoc est ipsi B, est autem & perpendicularis LK æqualis ipsi A ex constructione, & EI differentia segmentorum EK, KH, æqualis CD. Constructum est igitur triangulum ELH, quale construendum proponebatur.

CONSECTARIVM.

Itaque erit vt recta quæ potest quadratum compositæ ex lateribus trianguli, minus quadrato differentie segmentorū basis, ad rectam quæ potest quadratum prædictæ compositæ, minus quadratis, quæ fiunt ex differentia segmentorum basis, & perpendiculari dupla, ita composita ex lateribus ad basim, & ita differentia segmentorum basis ad laterum differentiam.

Est enim vt ED ad EG, hoc est ad EF, ita EC, vel EN, cui æqualis est composita ex EL, LH, ad EH, & ita CD hoc est EI, ad HG, hoc est ad EM.

Sit LK 20, cōposita ex EL, LH 77, EI 33, erit EH 63, EM 27, vnde EL 52, LH 25.

Est enim vt L 4840, ad L 3240, idest vt L 121, ad L 81, seu quod idem est vt 11, ad 9, ita 77, ad 63, & ita 33, ad 27.


LEMMMA

Si ab angulo verticis trianguli ducta recta linea secuerit bifariam basim, & angulus verticis fuerit acutus, illa recta linea

B 2 fecans


secans maior erit quam dimidia basis, non autem quam pars diametri circuli circa triangulum descripti, ea scilicet quæ in portione in qua est triangulum, comprehenditur. Si verò angulus verticis fuerit obtusus, illa secans minor erit dimidia basè, non autem prædicta diametri parte.

Cadat ab angulo verticis tri-
guli AGB recta linea GE secans
basim AB bifariam in E, & cir-
ca triangulum A G B circulus
describatur, cuius centrum sit
D. & iuncta ED producat ad
circumferentiam in F. Dico
existente angulo A G B acuto,



ipsam GE maiorem esse quam
AE, non autem quam EF. Con-
trauerò existere angulo A G B
obtusum, ipsam GE minorem esse quam AE, non autem quam
EF. Sit primum angulus AGB acutus, ergo portio circuli AGB
7. Tertij. maior erit semicirculo, & centrū erit inter E, F, maior * igitur
erit EG quam AE, minor verò quam EF, pars videlicet diame-
tri circuli, quæ in portione A G B comprehenditur. Si verò
punctum G sit idem quod F, erit GE æqualis ipsi FE, immo ea-
dem, non autem maior.

Deinde sit angulus AGB ob-
tus, erit igitur portio circuli
AGB minor semicirculo, &
centrum D erit extra lineā FE,
7. Tertij. itaque GE * minor erit quam
AE, maior verò quam FE, at si
punctum G fuerit idem quod
F, erit GE æqualis ipsi FE, im-
mo eadem, non autem minor,
quare constat propositum.





Problema III.

29. lib. 2.
de trian-
gulis Re-
giomōsani. **D**AT A base trianguli, (&) angulo verticis, dataque
recta linea, quæ à dato angulo ducta secat basim. bifa-
riam, inuenire triangulum.

Sit

Sit data basis trianguli AB, datus quoq; angulus ad verticem æqualis angulo C, ac data denique recta linea, quæ à dato angulo ducta secat basim bifariam, sit Z, oportet inuenire triangulum. Secetur AB bifariam in E, & in ea describatur portio



circuli AGB, quæ fufcipiat angulum æqualem angulo C, & per punctum E, & centrū circuli, quod fit D, ducatur recta linea EDF vique ad circumferentiam portionis. Si igitur angulus C fuerit acutus, ex antecedente Lemmate erit Z, maior quam AE, non autem quā FE, si verò obtufus, ipfa Z minor erit quam AE, non autem quam FE, quocunque igitur cafu circulus defcriptus ex E centro ad interuallum rectę Z æquale, fecabit, vel tanget portionem circuli AGB, defcribatur, & fecet, vel tangat in G, & iungantur AG GB, GE, trianguli igitur AGB, angulus AGB ad verticem æqualis eft angulo C: portio enim circuli AGB fufcipit angulum æqualem ipfi C, eft autem & basis ipfa AB data, & GE fecās ipfam bafim bifariam, æqualis eft Z datæ, quare factum eft quod oportebat.

At verò si datus angulus C fuerit rectus, oportebit datam Z, æqualem esse dimidiæ basi AB, & omne triangulum rectangulum supra basim AB constitutum problema efficiet.


Problema IV.

SECRET recta linea angulum ad verticem trianguli bifariam, & cadat in basin non ad rectos angulos. Da-
tis portio-

33. lib 2.
de trian.
Reg e non
tan.

tis portionibus basis, & angulo, quem ipsa linea cum base constituit, inuenire triangulum.


Sint datæ portiones basis AB , BC , angulus autem quem linea secans cum ipsa base constituit, sit æqualis angulo Z . Oportet inuenire triangulum, ponatur in directum AB , BC , & secetur AC bifariâ in D perpendiculariter à recta DE , & fiat angulo Z æqualis angulus CBF , & producta FB occurrat rectæ DE in E , & per puncta AEC , circulus describatur, quem secet recta BF in F , & iungantur AF , FC . Quoniam igitur DE secat AC bifariâ, & ad rectos angulos, erunt circumferentiæ AE , EC æquales; quare & anguli AFE , EFC æqualibus circumferentijs insistentes erunt æquales, recta igitur FB secat angulû AFC aduerricè trianguli AFC bifariâ, est autem & angulus CBF æqualis angulo Z ex constructione, & portiones basis AB , BC , sunt ipsæ datæ. Constructum est igitur triangulû AFC , quale construendum proponebatur.



LEMMA I.

SI duæ rectæ lineæ circulum secent, & extra ipsum conueniant, erit prima ad secundum, sicut pars exterior secundæ ad partem exteriorem primæ.

Secent circulum sub centro H descriptû, duæ lineæ rectæ AB , AC , & extra ipsum conueniant in A , & sint partes exteriores ipsarum AD , AE . Dico esse AB ad AC sicut AE ad AD . Quoniam enim rectangulum BAD æ-




quale est rectangulo CAE, erit AB, ad AC, sicut AE ad AD, quod erat ostendendum.

LEMMATA II.

SI basis trianguli fuerit latere maiori maior, dupla laterum differentia, differentiam segmentorum basis excedet.

Sit triangulum ABC, cuius basis BC sit maior latere maiori AB, & centro A. interuallo AC, describatur circulus CEF, secans latus AB productum in punctis F, G, basim verò BC in E, & cadat in BC perpendicularis AD, erit igitur laterum AB, AC



differentia BF, differentia verò segmentorum BD, DC ipsa BE, æquales * enim sunt ED, DC, 3. Tertij.

Dico duplam BF maiorem esse ipsa BE. Quoniam enim BC maior ponitur quam BA, erit dupla BC maior quam dupla BA, & consequenter multo maior quam BG. Et quoniam ex antecedente Lemmate est vt BC, ad

BG, ita BF ad BE, duplatis antecedentibus, erit vt dupla BC, ad BG, ita BF dupla ad BE, sed dupla BC maior ponitur quam BG, ergo & BF dupla maior erit quam BE, quod erat demonstrandum.

Problema V.

DATA differentia laterum trianguli, & differentia segmentorum basis, datoque excessu inter latus maius, & basim, inuenire triangulum.

Sit data differentia laterum trianguli AB, differentia segmentorum basis Z, & excessus inter latus maius, & basim, AE. Oportet inuenire triangulum. Duplicentur AB AE, hæc in M, illa in C, & sit primū excessus penes basim, ergo ex antecedente quod secundo loco præmissum est Lemmate, erit AC maior quam Z, ab ipsa igitur AC auferatur CD equalis Z, & fiat vt AD
ad

ad BG, ita BF ad BC, erit vt NH, ad BK, ita BF, ad BC, quod se-
cundo loco erat demonstrandum.

Sit BF 4, BE 10, CL 5,
erit BG composita ex late-
ribus BA, AC 30, basis ve-
rò BC 12, vnde AB 17,
AC 13.

Est enim vt 2, ad 6, ita
10, ad 30, & ita 4, ad 12.

Rursus sit BF 5, BE 11,
CL 4, erit composita ex
lateribus BA, AC 33, basis
verò BC 15, vnde AB 19, H
AC 14.

Est enim ut 1, ad 3, ita 1 1, ad 3 3, & ita 5, ad 1 5.

Sit denique BF 6, BE 10, CL 1, erit aggregatum laterum BA;
AC 20, basis verò BC 12, vnde AB 13, AC 7.

Est enim vt 2, ad 4, ita 10. ad 20, & ita 6, ad 12.

Quod si nullus fuerit excessus inter duplam differentiam laterum trianguli, & differentiam segmentorum basis (hoc autem accidit, quando segmentorum differentia dupla est differentiae laterum) non vnum triangulum problemari satisfaciet, sed infinita: construi enim possunt infinita triangula, vt quæ sunt differentiae in vno, eadem sint in omnibus, sed priusquam huiusmodi constructionem exhibeamus, sequens Lemma demonstrabimus.

LEMMA

Si differentia segmentorum basis trianguli fuerit dupla differentiae laterum, latus maius excedit basim, excessu dimidia laterum differentiae aequali.

3. *Tertij.* Sit triangulum ABC, in quo perpendicularis AD, secet basim BC in duo segmenta BD, DC, & centro A, intervallo AC, quod sit minus latus, describatur circulus secans basim BC, in F, latus verò AB productum in punctis E, G, erit igitur laterum AB, AC differentia BE, differentia verò segmentorum BD, DC, ipsa BF, sunt enim FD, DC æquales, sit autem BF dupla ipsius BE. Dico latus AB excedere basim BC, excessu dimidiæ BE, æquali

C O N S E C T A R I V M.


Constat igitur infinita triangula construi posse, ita vt differentiarum laterum & segmentorum existentes in ratione dupla, sint in omnibus eadem, atque latera maiora excedant bases, vno eodemque excessu, dimidia videlicet laterum differentia rectæ enim BG compositæ ex lateribus BA, AC terminus G, non est præfinitus: illa enim potest esse, & maior & minor, requiritur tantum vt quadruplam BE, excedat.

Sit BE 2, BF 4, latus AB excedet basim BC, & excessus erit nempe dimidia BE, composita verò ex lateribus BA, AC, potest esse 9, 10, 11, 12, vel etiam maior, solum requiritur, vt superet numerum 8, nempe quadruplam BE. Similiter & basis BC potest esse 5, 6, 7, 8, vel cuiuscunque longitudinis ipsa 4, maioris.

Problema VI.

DAT A base trianguli angulum rectum subtendente, & differentia laterum, inuenire triangulum.

Sit data basis trianguli angulū rectum subtendens AB, differentia laterum Z. Oportet inuenire triangulum. Ducatur ipsi AB perpendicularis, & æqualis AC, & iuncta BC fiat diameter circuli, eius igitur circumferentia transibit per A, in ipso autem circulo CAB accommodetur CE æqualis ipsi Z, & iungatur EB, & in ea sumatur BF æqualis EC, vel Z, reliqua




EF secetur bifariam in D perpendiculariter à recta DG, æquali ipsi DE, vel DF, & iungatur BG, erit igitur laterum DB, DG trianguli DBG differentia FB. hoc est Z data.

Et quoniam rectus est angulus CEB, in semicirculo, quadratum CB, æquale erit quadratis EB, EC, hoc est EB. FB, sed quadrata EB, * FB, dupla sunt quadratorum ED, DB, hoc est DG, DB, ergo quadratum CB duplum erit quadratorum DG, DB, sed duplum est & quadrati AB, ergo quadratum AB, æquale erit

erit quadratis DB, DG, hoc est quadrato GB, quare & recta AB æqualis rectæ GB. Constructum est igitur triangulum DBG rectangulum in D, cuius laterum DB, DG differentia FB, æqualis est Z datæ, & basis GB angulum rectum subtendens æqualis ipsi AB, quod erat faciendum.

ALITER. Ducatur, vt prius ipsi AB perpendicularis, & æqualis AC, & iuncta CB fiat diameter circuli, in quo accommodetur CE æqualis Z, & iungatur EB, cui perpendicularis agatur AD, ipsi autem ED ponatur æqualis DF, & iungantur AE,



A F. Quoniam igitur anguli AEB, ACB in eadem portione circuli existentes sunt inter se æquales, & est semirectus ACB, erit & AEB semirectus: angulus autem EDA rectus est ex constructione reliquus igitur DAE semirectus erit: tres enim interni anguli trianguli EDA duob. rectis sunt æquales, angulus igitur AED angulo EAD æqualis erit, quare & latus DA lateri DE, vel DF, vnde laterum DA,

DB differentia erit FB. Et quoniam latera DE, DA trianguli EDA æqualia sunt lateribus AD, DF trianguli ADF, vtrunque vtrique, & anguli ad D æquales, nempe recti, erunt ipsa triangula æqualium laterum, & angulorum, latus igitur AF, lateri AE æquale erit, & angulus DAF æqualis angulo DAE, sed ostensus est semirectus DAE, ergo & DAF semirectus erit, atque adeo totus angulus EAF rectus erit, & ideo æqualis recto CAB, ablato communi angulo CAF, reliquus igitur FAB reliquo EAC erit æqualis, sunt autem & latera AF, AB trianguli AFB æqualia lateribus AE, AC trianguli AEC, vtrunque vtrique, ergo & basis FB, basi EC, hoc est ipsi Z æqualis erit. Ad datam igitur basim AB constitutum est triangulum ADB, cuius laterum DA, DB differentia FB æqualis est Z, datæ, quod erat faciendum.

non secundo
di.

CONSECTARIUM.

Itaque excessus, quo duplum quadrati à base subtendente angulum rectum trianguli, superat quadratum differentie laterum, æqualis est quadrato aggregati laterum.

Excessus enim quo duplum quadrati AB superat quadratum
FB,

FB, hoc est excessus, quo quadratum CB superat quadratū CE, est ipsum quadratum EB, compositæ videlicet ex lateribus, AD, DB.


Sit AB 10, FB 2, erit composita ex AD, DB 14, vnde DA 6, DB 8.

Duplum enim quadrati ex 10, est 200, quadratum verò ex 2, est 4, excessus, igitur erit 196, pro quadrato compositæ ex lateribus AD, DB, vnde radix quadrata numeri 196, quæ est 14, erit ipsa composita.

L E M M A.


RECTA linea, quæ potest duplum quadrati ex base subtendente angulum rectum trianguli, non est minor aggregato laterum.

Sit triangulum ABC rectangulum in A, cuius basis BC. Dico rectam, quæ potest duplum quadrati BC, nō esse minorem aggregato laterū AB, AC, Producat̃ enim BA in E, vt sit AE æqualis AC, si igitur latera AB, AC sint æqualia, erit EB dupla ipsius AB, & ideo quadratum EB, quadruplū erit quadrati AB, sed quadruplum quadrati AB æquale est duplo quadrati BC, ergo quadratum EB duplo quadrati BC æquale erit, & consequenter recta, quæ potest duplum quadrati BC ipsi EB aggregato laterum AB, AC, erit æqualis, non autem minor.



Si verò latera AB, AC non sint æqualia erit alterum altero maius, sit maius AB, & ex eo abscindatur AD æqualis AC, vel AE. Quoniam igitur quadrata BE, BD * æqualia sunt duplo quadratorum BA, AE, hoc est duplo quadrati BC, duplum quadrati BC, maius erit quadrato BE tantum, & consequenter recta, quæ potest duplum quadrati BC, maior ipsa BE, hoc est aggregato laterum AB, AC, non autem minor. Quocunque igitur casu recta, quæ potest duplū quadrati ex base subtenden-


10. Secūdi



re angulum rectum trianguli non est minor aggregato laterū,
quod erat ostendendum.

Problema VII.

DATA *base trianguli angulum rectum subtendente,*
& aggregato laterum, inuenire triangulum.



Sit data basis trianguli angulū re-
ctum subtendens AB, aggregatum
laterum Z, oportet inuenire triangu-
lum. Ducatur ipsi AB perpendicularis,
& æqualis AC, & iuncta CB fiat
diameter circuli, ipsa igitur CB ex
antedente Lemmate, non erit mi-
nor quam Z, ideoque in circulo, cir-
ca diametrum CB descripto poterit
aptari recta lineæ ipsi Z æqualis, ap-
tetur & sit BE, & iungatur EC, cui æqualis ponatur BF, reliqua
EF secetur bifariam in D perpendiculariter à recta DG, æquali
ipsi DF, vel DE, & iungatur BG, erit igitur EB, hoc est Z æqua-
lis aggregato laterum DB, DG. Et quoniam rectus est angu-
lus CEB in semicirculo, quadratum CB æquale erit quadratis
EB, EC, hoc est EB. FB, sed quadrata EB, FB * dupla sunt qua-
dratorum ED, DB. hoc est DG. DB, ergo quadratum CB du-
plum erit quadratorum DG, DB, sed duplum est & quadrati
AB, ergo quadratum AB æquale erit quadratis DB, DG, hoc
est quadrato GB; quare & recta AB æqualis rectæ GB. Con-
structum est igitur triangulum DBG rectangulum in D, cuius
aggregatum laterum DB DG æquale est Z datæ, & basis GB
angulum rectum subtendens æqualis ipsi AB, quod erat facien-
dum.


10. Secun-
di.

A L I T E R Ducatur ut prius ipsi AB perpendicularis, &
æqualis AC, & iuncta CB fiat diameter circuli, in quo accom-
modetur BE æqualis Z. diameter enim CB ostensa est non mi-
nor quam Z, ipsi autem EB ducatur perpendicularis AD, &
iungatur AE. Quoniam igitur æquales sunt anguli ACB. AEB,
sunt enim in eadem portione circuli, erit angulus AEB semi-
rectus; quia semirectus est & ACB, sed rectus est angulus EDA,
reliquus igitur DAE trianguli DAE, erit quoque semirectus,

omnis

dentibus, erit vt quadratum AB ad quadratum EB, ita summa quadratorum GH, GB, hoc est quadratum HB, ad FB quadratum, vnde vt AB ad EB, ita erit HB ad FB, & permutando, vt AB ad HB, ita EB ad FB. Iam agatur GI perpendicularis ad HB, & ipsi HI æqualis ponatur IK, differentia igitur segmentorum HI, IB, erit KB, & ideo ex antecedente Lemmate, erit vt AB ad HB, ita KB ad FB, sed ostensum est vt AB ad HB, ita esse EB ad FB, ergo vt KB ad FB, ita erit EB ad FB, æqualis igitur erit KB ipsi EB, hoc est Z data, est autem & composita ex lateribus HG, GB, æqualis ipsi AB; Constructum est igitur triangulum HGB rectangulum in G, cuius aggregatum laterum HG, GB, æquale est AB data, & KB differentia segmentorum HI, IB, æqualis ipsi Z, quod erat faciendum.

ALITER. Ducatur vt supra ipsi AB perpendicularis, & æqualis AC, & iuncta CB, fiat diameter circuli BAC, cuius centrum E, in ipso autem circulo accommodetur CD æqualis Z, & iungantur DB, AE, se mutuo secantes in H, & ex H ducatur ipsi AB perpendicularis HG. Quoniam igitur rectus est angulus AGH, & semirectus GAH, erit * quoque & reliquus GHA semirectus, & ideo ipsi GAH æqua-



2. Prin;

lis, vnde latus HG æquale erit lateri GA, addita communi GB, composita igitur ex lateribus HG, GB, erit æqualis ipsi AB.

3. Terry.

Iam agatur GI perpendicularis ad HB, & centro G, interuallo GA, vel GH, describatur circulus AHF, secans DB in K, ipsam verò AB in F, & iungatur AK, differentia igitur segmentorum HI, IB, erit KB, sunt * enim æquales HI, IK. & quoniam angulus AGH ad centrum rectus est ex constructione, erit angulus AKH ad circumferentiam semirectus, sed semirectus est & angulus ADB, est enim equalis semirecto ACB, cum vterque, eidem circumferentiæ AB insistat, ergo reliquus angulus DAK, trianguli DAK rectus erit, & ideo æqualis recto BAC, dempto communi angulo CAK, reliquus DAC reliquo KAB æqualis erit, sed & latus AB æquale est lateri AC ex constructione, & latus AK æquale lateri AD ratione æqualium angulorum AKD, ADK, ergo & basis KB trianguli AKB, æqualis erit basi DC trianguli ADC; Constructum est igitur triangulum

lum


drati BF. Quoniam enim est BC ad BG, sicut $\frac{BC}{BG}$, ita $\frac{BC^2}{BG^2}$ ad quadratum BE, & duplatis antecedentibus, erit vt duplum quadrati BC ad quadratum BG, ita duplum quadrati BF ad quadratum BE, sed ostensum * est quadratum BG minus esse duplo quadrati BC, ergo & quadratum BE duplo quadrati BF minus erit, quare & recta BE minor erit quam recta, quæ potest duplum quadrati BF, quod erat demonstrandum.

*1. secun-
da parte
Lem. ante
Prob. 7.*

Problema IX.

DAT A differentia segmentorum basis subtendentis angulum rectum trianguli, & differentia laterum; inuenire triangulum.

Sit data differentia segmentorū basis angulum rectum subtendentis Z, & differentia laterum AB. Oportet inuenire triangulum. Ponatur ipsi AB, æqualis & ad angulos rectos AC, & iuncta CB fiat diameter circuli, ex antecedente igitur Lemmate, CB maior est quam Z: ideoque in circulo circa diametrum



CB descripto, poterit aptari recta linea ipsi Z æqualis, aptetur, & sit BE, & iungatur EC, cui æqualis sumatur BD, & iungatur quoque DA, & ei parallela agatur EF, secans BA continuatam in F, & secetur FA bifariam in G, à perpendiculari GH æquali ipsi GA, vel GF, & iungatur HB: triangulum igitur GHB rectangulum est in G, & differentia laterum GH, GB est ipsa AB data. Iam agatur ipsi HB perpendicularis GI, & sumatur IK æqualis IH, Quoniam igitur parallelæ sunt EF, DA ex constructione, erit vt DB, hoc est EC, ad EB, ita AB, ad FB, & vt quadratum EC ad quadratum EB, ita quadratum AB, ad FB quadratum, & componendo vt summa quadratorum EC, EB, hoc * est vt quadratum CB, seu quod idem est duplum quadrati AB, ad quadratum EB, ita erit summa quadratorum AB, FB, hoc * est duplum quadratorum FG, GB, vel GH, GB ad quadratum FB, & subduplatis antecedentibus, erit vt quadratum AB, ad quadratum EB, ita summa quadratorum GH, GB, hoc est quadratum

47. Primi

*10. Secū-
di.*

quia æqualis est semirecto ACB , ergo & reliquus AkG semirectus erit, sed angulo AkG æqualis est angulus GAk , ratione æqualium laterum GA , Gk , ergo & ipse GAk semirectus erit, ablato igitur semirecto angulo GAK à recto GAC , reliquus KAC erit semirectus, sed ipsi KAC æqualis est kBC , sunt enim in eadem portione circuli, ergo & ipse kBC semirectus erit, quare semirecto ABC æqualis, quod est absurdum; non igitur Bk tangit circulum, sed secat, quod erat demonstrandum.

CONSECTARIVM.

Itaque erit ut recta, quæ potest duplum quadrati differentie laterum trianguli minus quadrato differentie segmentorum basis, ad differentiam laterum, ita differentia segmentorum ad aggregatum laterum, & ita differentia laterum ad basim.

Resumpta enim primæ constructionis figura, est ut DB , ad BA , ita EB ad BF , hoc est ut EC , ad BA , ita Bk ad BF , & ita AB , ad BH , est * enim eadem ratio AB ad BH , quæ kB ad BF .

In secunda constructionis figura, iuncta kC , similia erunt triangula AkC , FkB . nam angulus ACk æqualis est angulo ABk , quia in eadem sunt portione circuli, & quoniam recti sunt anguli CkB , AkF , hic ex constructione, ille ex vi semicirculi, & ideo æquales, addito communi angulo AkB , totus angulus AkC toti FkB æqualis erit, ac reliquus reliquo, ut igitur kC , ad CA , vel ad AB , ita erit kB ad FB , & ita AB , ad BH , est *

Ex Lem. enim AB ad BH , sicut kB ad BF .

in prob. 8 Sit AB 91, kB 119, erit FB 221, HB 169, vnde GB 156, GH 65.


Est enim ut L 2401, hoc est ut 49, ad 91, ita 119, ad 221, & ita 91, ad 169.

Problema X.

DATO vno ex lateribus trianguli angulum rectum, ambientibus, & differentia inter reliquum latus, & basim, inuenire triangulum.

Sit

Sit datum vnum ex lateribus trianguli angulum rectum ambientibus A, data quoque differentia inter reliquum latus, & basim BC. Oportet inuenire triangulum. Fiat quadrato A æquale rectangulum BCD, & circa diametrum DB describatur



circulus cuius centrum E, ipsum autem circulum contingat recta CF in F, & iungatur EF, erit igitur rectangulum BCD æquale quadrato FC, sed æquale est & quadrato A ex constructione, quadratum igitur FC quadrato A æquale

erit, quare & recta FC æqualis rectæ A. Est autem * & angulus EFC rectus, & basis EC differt à latere EF per BC, æquales enim sunt EF, EB ex definitione circuli. Constructum est igitur triangulum EFC, quale construendum proponebatur. 18. Tertijs

CONSECTARIVM.

Itaque, alterum ex duobus lateribus trianguli angulum rectum ambientibus medium est proportionale inter differentiam & aggregatum reliqui lateris, & basis.

Quoniam enim rectangulum BCD æquale est quadrato FC, erit vt BC ad FC, ita FC, ad DC.


Sit FC 12, BC 6, erit DC 24, vnde EC 15, EF 9, Est enim vt 6, ad 12, ita 12, ad 24.

Problema XI.

DATO vno ex lateribus trianguli angulum rectum ambientibus, & aggregato reliqui lateris, & basis, inuenire triangulum.

Sit datum vnum ex lateribus trianguli angulum rectum ambientibus A, datum quoque aggregatum reliqui lateris, & basis BC, oportet inuenire triangulum. Secetur BC in D, vt rectangulum BCD sit æquale quadrato A, & circa diametrum BD circulus describatur cuius centrum E. à puncto autem C ducatur CF circulum contingens in F, & iungatur EF. Quoniam igitur CF contingit circulum in F, rectangulum BCD, æquale

æquale erit quadrato FC, sed æquale est & quadrato A, ex constructione, ergo quadratum FC quadrato A, æquale erit, unde & recta FC æqualis erit rectæ A. Constructum est igitur triangulum EFC rectangulum in F, cuius latus FC æquale est ipsi A, & composita ex reliquo latere FE, & base EC æqualis BC datæ, quod erat faciendum.



CONSECTARIUM.

Itaque alterum ex duobus lateribus trianguli angulum rectum ambientibus medium est proportionale inter differentiam, & aggregatum reliqui lateris, & basis.

Quoniam enim rectangulum BCD æquale est quadrato FC, erit ut BC, ad FC, ita FC, ad DC.

Sit FC 12, BC 24, erit DC 6, unde EC 15, EF 9, Est enim ut 24, ad 12, ita 12, ad 6.

Sex Problemata proximè præcedentia proposita sunt de triangulo rectangulo tantum, sex verò quæ sequuntur proponuntur de omni triangulo.


Problema XII.

DAT A base trianguli, differentia laterum, & angulo verticis, inuenire triangulum.


Sit data basis trianguli Z. differentia laterum AB, angulus ad verticem æqualis angulo C. Oportet inuenire triangulum.

Ponatur iam factum & sit illud triangulum DAG, cuius basis AG est æqualis ipsi Z, & angulus ADG ad verticem æqualis angulo C, ac denique differentia laterum DA, DG, quæ sit AB est positione, ac magnitudine data. Quoniam igitur DA, DG differunt per AB, erunt DB, DG æquales, itaque centro D interuallo DB, vel DG describatur circulus, quem secet AD continuata in F, & iungatur BG. Quoniam igitur datus est angulus ADG, dabitur & angulus FDG, ut reliquus è duobus rectis, ergo dabitur quoque & angulus FBG, ut dimidius anguli FDG, est

Sit triangulum DAG cuius basis AG, & centro A, intervallo AG, describatur circulus, & producat AD in F, vt fit DF æqualis DG, aggregatum igitur laterum AD, DG erit AF: à puncto autem F ducatur FI, faciens angulum AFI, æqualem dimidio anguli ADG; Dico ipsam FI in circulum incidere, si enim non incidit, cadit extra qualis est FE, itaque continuetur DG, donec secet ipsam FE in E. Quoniam igitur externus angulus ADE trianguli DFE, æqualis est duobus internis DFE, DEF, quorum vnus nempe DFE, ponitur dimidius ipsius ADE, erit & reliquus DEF ipsius ADE dimidius: æquales igitur erunt anguli DFE, DEF, & ideo æquales rectæ DF, DE, quod est absurdum, ponitur enim DF æqualis DG, Recta igitur FI in circulum incidet, quod erat demonstrandum.



A L I T E R Sit triangulum, DAG cuius basis AG, & centro D, intervallo DG, describatur circulus, secans AD productam in F, & iungatur FG, erit angulus AFG æqualis dimidio anguli ADG. Hic enim est ad centrū, ille ad circumferentiam. Si igitur ex A centro ad intervallo AG circulus describatur, ipsū tanget, vel secabit recta lineæ FG, ideoque in ipsum circulum incidet, quod erat demonstrandum.



Problema XIII.

*Prob. 15. lib. 2. Re-
giomonta
ni de tri-
gulis.* **D**ATA base trianguli, aggregato laterum, & angulo
verticis, inuenire triangulum.

Sit data basis trianguli Z, aggregatum laterum AB, angulus ad verticem æqualis angulo C. Oportet inuenire triangulum.

Factum iam sit, & sit illud triangulum DAG, cuius basis AG est æqualis ipsi Z, aggregatum verò laterum AD, DG, æquale ipsi

ipsi AB, longitudine ac positione datae, & angulus ADG ad
verticem æqualis angulo C. iungatur autem BG. Quoniam igitur
composita ex AD, DG æqualis est ipsi AB, ablata communi
AD, reliqua DG reliquæ DB æqualis erit, & ideo circulus
ex D centro descriptus ad intervallum DG, transibit per B: de-
scribatur, erit igitur angulus ADG ad centrum, duplus anguli

B ad Circumferentiam, sed datur
 angulus A D G, ergo dabitur &
 angulus B. & est positio AB.
 ergo * & BG positio erit, sed
 in ipsam BG à dato puncto A du-
 cta est AG magnitudine data, er-
 go dabitur * ipsa AG positio
 quoque, & datum * erit pñctum
 G, & data * quoque positio
 G D, datur enim angulus D G B,
 quia æqualis est dato DBG æqua-
 libus existentibus DB, DG, qua-
 re & punctum D dabitur. Quo-
 niam igitur datæ sunt extrema-
 tes A, D, G, datarum positio,
 AD, DG ipsæ quoque magnitu-
 dine datæ erunt.

Componetur autem Problema, hoc modo. Centro A, intervallo datæ Zæquali, describatur

circulus, & fiat angulus ABG æqualis dimidio anguli C, ex antecedente igitur Lemmate, recta BG incidet in circulum sub A centro descriptum, incidat in G, & iungatur AG, & fiat angulo B æqualis angulus BGD, erit igitur DG æqualis DB, addita communi AD, composita ex AD, DG, erit æqualis AB. Centro autem D, intervallo DB, vel DG describatur circulus BG, erit igitur angulus ADG ad centrum duplus anguli B ad circumferentiam, sed & angulus C duplus est anguli B ex constructione, ergo angulus ADE angulo C æqualis erit, est autem & *ADG* ~~bas~~ AG æqualis datæ Z ex constructione. Constructum est igitur triangulum DAG quale construendum proponebatur.

L E M M A.

Si duo anguli in ratione dupla eidem circumferentie cir-

culi infisterint, duplus autem, fuerit ad centrum, alter ad circumferentiam erit.

Insistant duo anguli GDF, GBF eidem circuli circumferentiæ GF, & sit angulus GDF ad centrum circuli, atque duplus anguli GBF, Dico angulum GBF ad circumferentiam esse. Si enim non est ad circumferentiam, erit intra circulum, vel extra. Sit primum si fieri potest, intra circulum, & producaturs GB vsque ad circumferentiam in C, & iungatur FC, erit igitur angulus GDF ad centrum, duplus anguli GCF ad circumferentiam, sed duplus est & anguli GBF ex hypothesi, ergo angulus GBF angulo GCF æqualis erit, externus interno, quod est absurdum: angulus igitur GBF non est intra circulum.

Deinde sit angulus GBF extra circulum, ipsum igitur circulum secabit, vel vtraque rectarum GB, FB, vel saltem vna: secet ipsa GB in puncto C, & iungatur FC, erit igitur angulus GDF, ad centrum, duplus anguli GCF ad circumferentiam; sed duplus est & anguli B ex hypothesi, ergo angulus GCF angulo B æqualis erit, externus interno, quod est absurdum: angulus igitur GBF non est extra circulum, sed neque intra circulum ut est ostensum, ergo ad circumferentiam erit, quod erat demonstrandum.

Problema XIV.

DATA differentia segmentorum basis trianguli, aggregato laterum, & angulo verticis, inuenire triangulum.


Sic

eiufdem anguli AFG ad circumferentiam, erit angulus ADG aduerticem dato angulo C æqualis, quare & angulus FDG angulo H, sed angulus H duplus est anguli FBG ex constructione, ergo & angulus FDG eiufdem anguli FBG duplus erit, sed angulus FDG est ad centrum, & infistit circumferentiæ FG, cui etiam & angulus FBG infistit, ergo ex antecedente Lemmate, angulus FBG ad circumferentiam erit. Iam agatur ipsi
 3. Tertiij. AG perpendicularis DE, erunt igitur *æquales BE, EG, & ideo differentia segmentorum AE, EG erit ipsa AB data. Constructum est igitur triangulum DAG, vt facere oportebat.

L E M M A I.

SI angulus trianguli fuerit centrum circuli, differentia verò laterum semidiameter, & ducatur linea recta non ex centro circuli, sed ab altera extremitate differentiae segmentorum basis, constituens cum ea angulum æqualem dimidio; qui est ad verticem trianguli, angulo, illa recta linea circulum secabit.


Sit triangulum DAG, in quo perpendicularis DE secet basim AG in E, & centro D, interuallo DG, quod sit minus latus, describatur circulus secans latus AD productum in punctis H, F, basim verò AG in B; laterum igitur DA, DG differentia erit AH, differentia verò segmentorum AE, EG erit AB, iungantur autem BH, FG. Quoniam igitur quadrilaterum FGBH est in circulo, anguli HBG, HFG ex aduerso, duobus rectis sunt æquales, sed & anguli HBG, HBA æquales sunt duobus rectis, ergo anguli HBG, HFG angulis HBG, HBA æquales erunt, dempto communi angulo HBG, reliquus HFG, reliquo HBA æqualis erit, sed angulus HFG ad circumferentiam dimidius est anguli HDG ad centrum, ergo & angulus HBA, eiufdem anguli ADG dimidius erit, Dico igitur circulum sub A centro, interuallo



uallo AH descriptum, secari à BH : manifestum est autem ipsam BH in eum incidere, quoniam punctum H est in circumferentia, si igitur eum non secat, tangit, tangat si fieri potest, contractus erit in H . & iungatur BF , ergo rectus * erit angulus AHB , & ideo æqualis recto HBF , qui est infemirculo; quare parallelæ * erunt AF , BF , quod est absurdum, conueniunt enim in F . Non igitur BH tangit circulum, cuius centrum A , sed secat, quod erat demonstrandum. 18. Tertij
27. Primi

LEMMA II.

SECET circulum sub A centro recta linea BHL , in punctis H , L , & per punctum H , quod sit propius ad B , ducatur altera recta AHI . Dico angulum IHB minorem esse recto.



Diuidatur enim HL bifariam in E , & iungatur AE , rectus igitur erit angulus AEH , ac proinde angulus EHA recto minor: tres enim interni anguli trianguli AEH duobus rectis sunt æquales, sed angulus EHA , æqualis est angulo IHB : sunt enim ad verticem, ergo & angulus IHB , erit recto minor, quod erat demonstrandum.

Problema XV.

DAT A differentia segmentorum basis trianguli, differentia laterum, & angulo verticis, inuenire triangulum. Prob. 20.
lib. 2. Re-
giom. de
triangulis.

Sit data differentia segmentorum basis trianguli AB , differentia laterum Z , angulus ad verticem æqualis angulo C . Oportet inuenire triangulum.

Factum iam sit, & sit illud triangulum DAG , in quo perpendicularis DE , & centro D , intervallo DG . quod sit minus latus, describatur circulus secans latus DA in H , basim verò AG in B , differentia igitur segmentorum AE , EG erit AB , differentia verò

verò laterum DA, DG erit AH. Estò igitur AB positione atque magnitudine data, ipsa verò AH estò æqualis datæ Z, & angulus A D G ad verticem æqualis angulo C, & producat AD vsque ad circumferentiam in F, & iungantur HB, BF, FG. Quoniam igitur quadrilaterum FGBH est in circulo, anguli HBG, HFG ex aduerso, duobus rectis erunt æquales: sed & anguli HBG, HBA duobus rectis sunt æquales, ergo anguli HBG, HFG angulis HBG, HBA æquales erunt: auferatur vtrinque angulus HBG, reliquus igitur HFG reliquo HBA æqualis erit, sed angulus ADG ad centrum, duplus est anguli AFG ad circumferentiam, ergo & anguli HBA duplus erit angulus ADG, sed datur angulus A D G, dabitur ergo & HBA, quare dabitur *

29. *Dat* datur angulus $A D G$, dabitur ergo & $H B A$, quare dabitur $B H$ positione, & quoniam

BH positione, & quoniam
à dato puncto A in ipsam
BH ducta est AH magnitu-

31. *Data.* dine data, dabit * AH positionem quoque, & propter datum angulum HBF: est enim rectus in semicirculo.

29. Dat. lo, data* erit BF positio-

25. *Dat. ne, & datū* * quoque pun-



26. *Dat.* Etum F, & ideo data * magnitudine H F, & quoniam æquales sunt H D, DF, dabitur punctum D, sed datur & punctum G,

26. *Dat.* ergo dabitur DG * positione, & magnitudine, sed datur &
26. *Dat.* punctum A, ergo & AD, AE positione * & magnitudine da-
tae erunt.

Componetur autem sic.

Centro A, intervallo rectæ
Z equali, describatur circulus,
& fiat angulus ABH æqualis
dimidio anguli C, ex antecedente
igitur, quod primo loco præmissum
est Lēmate, BH secabit ipsum
circulum, secet in punctis
H L, & per punctum H, q̃

fit proprius ad B, ducatur recta linea A H I, ipsi autem B H ducatur perpendicularis B F. Quoniam igitur ex antecedente, quod secundo loco præmissum est Lemmate, angulus H B minor est recto, & angulus F B H rectus: erunt ambo simul duobus rectis minores, & ideo coibunt rectæ lineæ A I, B F, coeant in F,



& secetur HF bifariam in D , & centro D , interuallo DH , vel DF , describatur circulus, eius circumferentia transibit per B , propter angulum $HB F$ rectum. Deinde producat AB donec secet circulum FBH in G , & iungantur DG , FG , & ipsi AG ducatur perpendicularis DE , erunt igitur æquales BE , EG , & ideo differentia segmentorum AE , EG , erit ipsa AB data. Similiter quoniam æquales sunt DH , DG vt semidiametri, differentia laterum AD , DG erit AH , cui æqualis est Z data ex constructione. Superest igitur vt angulus ADG aduerticem trianguli DAG æquetur angulo C , id autem ita fit manifestum. Quoniam enim quadrilaterum $FGBH$ est in circulo, anguli $H B G$, $H F G$ ex aduerso duobus rectis erunt æquales, sed & anguli $H B G$, $H B A$ sunt æquales duobus rectis, ergo anguli $H B G$, $H F G$ angulis $H B G$, $H B A$ æquales erunt: dempto communi angulo $H B G$, reliquus $H F G$ reliquo $H B A$ æqualis erit, sed anguli $H F G$ ad circumferentiam duplus est angulus $H D G$ ad centrum, ergo & anguli $H B A$ duplus erit angulus ADG , sed & angulus C duplus est anguli $H B A$ ex constructione, ergo angulus ADG angulo C æqualis erit, quod ostendisse oportuit; Constructum est igitur triangulum DAG , quale construendum proponebatur.

Problema XVI.

DATO vno ex lateribus trianguli datum verticis angulum ambientibus, & differentia inter reliquum latus, & basim, inuenire triangulum.



Sit datum vnum ex lateribus trianguli angulum verticis ambientibus, AB : differentia inter latus reliquum & basim, Z , angulus ad verticem æqualis angulo C . Oportet inuenire triangulum.

Factum iam sit, & sit illud triangulum ABD , cuius latus AB esto positione ac magnitudine datum, differentia verò inter reliquum latus AD , & basim DB esto æqualis ipsi Z , & angulus DAB ad verticem æqualis angulo C . Ponatur autem DG æqualis DB , differentia igitur ipsarum AD , DB erit AG , & iungatur GB . Quoniam igitur datus est angulus DAB , datus erit & angulus GAB , vt reliquus è duobus rectis, hic autem in prima figura ad primum calum pertinens, in secunda verò figura,

F

quæ

- que ad secundum casum pertinet, angulus DAB idem est quod angulus GAB, quocunque igitur casu datur angulus GAB: est
29. *Dat.* autem positione AB, ergo * positione est & AG, sed & magni-
27. *Dat.* tudine, ponitur enim æqualis ipsi Z, ergo * punctum G datum
26. *Dat.* erit, sed datum est & B, ergo * GB positione erit, & magnitudine, atque adeo dabitur angulus AGB, quia datur * triangulum AGB specie, & in secunda figura dabitur quoque & DGB, ut reliquus è duobus rectis, itaque in vtraque figura dabitur angulus DBG, est enim æqualis ipsi DGB, æqualibus existentibus DG, DB, quare * BD positione erit, & ideo * positione quoque, & punctum D, ac propterea * ipsa BD, AD magnitudine quoque datæ erunt.



Componetur aut hoc modo. Constituantur angulo C, æqualis angulus BAD, & ponatur ipsi Z æqualis AG, & iungatur GB, & angulo DGB æqualis constituatur angulus GBD, & BD occurrat ipsi AD in D, erunt igitur DG, DB æquales, & ideo differentia inter latus AD, & basim DB trianguli ABD, erit AG, hoc est Z data: est autem & angulus DAB ad verticem, æqualis angulo C ex constructione, & latus AB ipsum datum. Constructum est igitur triangulum ABD, ut facere oportebat.

Problema XVII.

DATO uno ex lateribus trianguli datum verticis angulum ambientibus, datoque aggregato reliqui lateris & basis; inuenire triangulum.

Sit datum vnum ex lateribus trianguli angulum verticis ambientibus AB, composita verò ex reliquo latere, & base Z, & angulus ad verticem æqualis angulo C. Oportet inuenire triangulum.

Ponatur iam factum & sit illud triangulum ABD, cuius latus AB estò positione ac magnitudine datum, composita verò ex reliquo latere AD, & base DB estò æqualis ipsi Z, & angulus ad verticem



centro D, interuallo DB describatur circulus GBH, secans CD productam in punctis G, H, is igitur circulus tanget rectam CB in B. Deinde circa diametrum CH describatur alius circulus, cui inscribatur CF æqualis AB, & iungatur FH, & ipsi CH ducatur perpendicularis FI. Quoniam igitur CB tangit circulum GBH in B, rectangulum GCH æquale erit quadrato CB,

sed quadratū CB duplū est quadrati AB, hoc est quadrati CF, ergo & rectangulum GCH quadrati CF duplum erit, sed quadrato CF æquale est rectangulum ICH, est enim* CF media proportionalis inter IC, CH: rectangulum igitur GCH duplū erit rectanguli ICH, atque adeo CG dupla erit ipsius CI, unde CI, IG erunt æquales; itaque differentia segmentorū CI, IH erit GH, hoc est Z data, est autem & latus FC æquale ipsi AB ex constructione, & angulus CFH in semicirculo rectus, Triangulum igitur FCH problemati satisfacit, quare factum est quod oportebat.

At verò diametrum CH maiorem esse quam AB, in prima figura manifestum est, in secunda verò sic demonstrabitur.

Sit si fieri potest diameter CH non maior quam AB, ergo CG minor erit quam AB dupla: est enim HG, hoc est Z minor quam AB, quia differentia segmentorum basis trianguli minor est latere maiori, quare rectangulum HCG minus erit rectangulo sub AB, & altera ipsius dupla, hoc est duplo quadrati AB, sed duplum quadrati AB æquale est quadrato CB, ergo rectangulum HCG minus erit quadrato CB, quod est absurdum,

Ex coroll.
846.



furdum, ostensum enim est in elementis ipsi æquale. Diameter igitur CH maior est quam AB, quod erat demonstrandum.

CONSECTARIVM.

Primo igitur casu, composita ex dimidia differentia segmentorum basis, & ea quæ potest duplum quadrati lateris dati, plus quadrato dimidiæ differentiæ, æqualis est basi trianguli quæsiti.


Secundo casu, excessus quo prædicta potens superat dimidiam segmentorum differentiam, æqualis est quæsitiæ basi.

Recta enim quæ potest duplum quadrati lateris dati, plus quadrato dimidiæ differentiæ segmentorum basis est CD, dimidia verò differentia DH, basis autem CH trianguli FCH in prima figura, est composita ex CD, DH, in secunda verò figura basis CH est excessus, quo CD superat ipsam DH.

Sit FC in prima figura 30, GH 14, vel DH 7, erit CH 50, unde FH 40, radix enim quadrati 1849, quod constat duplo quadrati ex 30, & quadrato ex 7, est 43, cui si addatur 7, fiet 50, probatæ CH.

In secunda figura sit FC 40, HG 14, vel HD 7, erit CH 50, unde FH 30, radix enim quadrati 3249, quod constat duplo quadrati ex 40, & quadrato ex 7, est 57, excessus igitur quo 57, superat 7, erit 50, probatæ CH.

ALITER idem Problema hoc modo absoluetur. Idem datis, quæ prius. Duplicetur AB in E, & in AE descri-



batur semicirculus, & ducatur ipsi AE perpendicularis BC indefnita, in ipsa autem BC ponatur AC secans semicirculum in D, ita ut CD fiat æqualis ipsi Z: hoc enim fieri posse demonstraui in Apollonio rediuiuo, casu quarto, & tertio secundi Problematis. Denique ipsi AC ducatur perpendicularis BF, erunt igitur AF, FD æquales, & ideo differentia segmentorum AF, FC erit CD, hoc est Z data. Constructum est igitur triangulum ABC rectangulum in B, cuius latus AB est

ipsum datum, & CD differentia segmentorum AF, FC æqualis Z datæ, quod erat faciendum.

Problema


Problema XIX.

DAT O vno ex lateribus trianguli angulum rectum, ambientibus, datoque alterno basis segmento, inuenire triangulum.

Sit datum vnum ex lateribus trianguli angulum rectum ambientibus AB, segmentum autem basis alternum BC. Oportet inuenire triangulum. Inclinentur ad angulos rectos AB, BC, & secetur BC bifariam in E, & iungatur AE, cui æqualis ponatur EF, & in FC describatur semicirculus, quem AB secet in G, & iungantur FG, GC. Quoniam igitur secuta est BC bifariam in E, & illi adiecta FB, rectangulum BFC

6. Secūdi. vñ cum quadrato BE æquale *erit quadrato FE, hoc est AE, sed quadratū AE æquale est quadratis AB, BE, ergo rectangulum BFC vñ cum quadrato BE æquale erit quadratis AB, BE. Commune auferatur quadratum BE, reliquum igitur rectangulum BFC, hoc est quadratum GF (est enlm *

Ex coroll. *8. Sexti.* GF media proportionalis inter BF, FC) reliquo quadrato AB æquale erit, quare & recta GF æqualis erit rectæ AB. Constructum est igitur triangulum GFC rectangulum in G, cuius latus GF æquale est ipsi AB, & segmentum basis alternum BC est ipsum datum, quod facere oportebat.



CONSECTARIUM.

Itaque recta quæ potest quadrata, lateris videlicet dati, & dimidij segmenti, aucta dimidio segmento, æqualis est basi trianguli, diminuta verò æqualis alteri segmento.


Recta enim quæ potest quadrata lateris dati, & dimidij segmenti est AE, hoc est FE, dimidium verò segmentum EC, vel EB: basis igitur FC æqualis est FE auctæ ipsa EC, segmentum verò FB æquale eidem FE diminutæ ipsa EB.

Sit latus trianguli GF 15, alternum basis segmentum BC 16, eius dimidium 8, erit basis FC 25, FB alterum segmentum 9, vnde latus GC 20. Radix enim quadrati 289, quod constat quadra-

quadratis ex 15, & 8, est 17, cui si addatur 8, fiet 25. probase FC, si verò auferatur, relinquetur 9, pro segmento FB.

A L I T E R idem Problema hac ratione absoluetur.

Sit datum vnum ex lateribus trianguli angulum rectum ambientibus AB, segmentum basis alternum Z, & oporteat facere quod imperatum est. Describatur in AB semicirculus, & ducatur perpendicularis BC indefinita, in ipsa autem BC ponatur AC secans semicirculum in D, ita vt DC sit æqualis ipsi



Z: hoc autem quomodo fieri possit demonstrauimus in Apollonio re-diuiuo, casu quinto problematis secundi, si igitur iungatur DB, triangulum ABC, erit illud de quo quaeritur, est enim rectangulum in B ex constructione, & latus AB ipsum datum, atque segmentum basis alternum DC æquale ipsi Z ex constructione, basis enim segmenta sunt

AD, DC, quia BD perpendicularis est basi AC, propter angulum ADB in semicirculo rectum, quare factum est quod oportebat.

Magni momenti essent duo problemata proximè præcedentia, si in omni triangulo non in rectangulo tantum construeretur, primum enim opportunum esset ad sectionem cuiuslibet anguli rectilinei, vel circumferentiæ in tres partes æquales, secundum verò ad duplicationem cubi. Proponerentur illa duo problemata hoc modo.

Primum, Dato vno ex lateribus trianguli datum angulum verticis ambientibus, dataque differentia segmentorum basis, inuenire triangulum.

Secundum, Dato vno ex lateribus trianguli datum angulum verticis ambientibus, datoque alterno basis segmento, inuenire triangulum. Si hæc problemata construerentur, secaretur vt diximus quilibet angulus rectilineus, vel circumferentia trifariam, duplicaretur cubus, atque Geometriæ defectus supplerentur.

L E M M A.

Quadratum differentie duorum laterum æquale est quadratis laterum, minus duplo sub ipsis rectangulo.

Sint

li^a sunt quadrato AD , & duplum rectangulum AID æquale duplo rectangulo AD . IL : est enim propter similitudinem triangulorum IAD , ILD , ut AI ad AD , ita IL ad ID & ideo rectangulum AID sub extremis, æquale rectangulo AD . IL sub medijs: quadratum igitur Ak æquale erit quadrato AD , minus duplo rectangulo AD , IL ; hoc est minus rectangulo ADE : est enim DE dupla ipsius IL , sed quadratum AD minus rectangulo ADE idem est quod rectangulum DAE , ergo quadratum Ak , æquale erit rectangulo DAE , hoc * est quadrato 36. Terti^j AB , unde & recta Ak æqualis rectæ AB , quod ostendisse oportuit. Constructum est igitur triangulum IAD rectangulum in I , cuius laterum IA , ID differentia AK , æqualis est ipsi AB , & perpendicularis IL æqualis BC , quod faciendum erat.

CONSECTARIVM.

Itaque composita ex perpendiculari, & ea cuius quadratum æquale est quadratis differentie laterum, & perpendicularis æqualis est basi trianguli quæsitæ.


Recta enim cuius quadratum æquale est quadratis Ak , IL , hoc est AB BC est AC , composita verò ex IL , hoc est ex CD , & ex ipsa AC est AD , basis trianguli IAD .

Sit AK 5, IL 12, erit AD 25, unde IA 20, ID 15. Radix enim quadrati 169, quod constat quadratis ex 5, & 12, est 13, cui si addatur 12, fiet 25, probate AD .

LEMMA

*Quadratum aggregati laterum trianguli, angulum re-
ctum ambientium, non est minus octuplo eius quod à perpen-
diculari fit quadrati.*


Sit triangulum ABC , in quo perpendicularis AD cadat in basim BC , ab angulo recto BAC . Dico quadratū compositæ ex BA , AC non esse minus, octuplo quadrati AD : aut enim æqualia sunt latera AB , AC , aut inæqualia, sint primum æqualia, ergo & BD , DA , DC erunt quoque æquales, & ideo quadratum AB duplum erit quadrati AD , sed



G quadrati

quadrati AB quadruplum est quadratum compositæ BAC , ergo quadratum ipsius BAC compositæ octuplum erit quadrati AD , non autem minus.

Sed sunt latera AB , AC inæqualia, ergo & BD , DC erunt inæquales, describatur autem in BC semicirculus BAC , eius circumferentia transibit per A , propter angulū BAC rectum. Quoniam igitur inæquales sunt BD , DC , ipsa DA non erit ex centro circuli, & ideo BC maior erit quam AD dupla, & consequenter quadratum BC maius quadruplo quadrati AD , eadem ratione, & rectangulum BC , AD maius erit duplo quadrati AD , & consequenter duplum rectanguli BC , AD maius quadruplo quadrati AD ; ergo quadratum BC , vnā cum duplo rectanguli BC , AD maiora erunt octuplo quadrati AD , sed quadratum BC æquale est quadratis AB , AC . & duplū rectanguli BC , AD æquale duplo rectanguli BAC : est enim propter similitudinem triangulorum ABC , DAC , vt BC ad BA , ita AC ad AD , & ideo rectangulum sub extremis BC , AD æquale rectangulo BAC sub medijs: quadrata igitur BA , AC , vnā cum duplo rectanguli BAC , hoc est quadratum compositæ BAC maius erit octuplo quadrati AD , non autem minus. Quare constat propositum.




Problema XXI.

DATO aggregato laterum trianguli angulum rectum ambientium, dataque perpendiculari, inuenire triangulum:

Sit datum aggregatum laterum trianguli, angulum rectum ambientium AB , data quoque perpendicularis BC . Oportet inuenire triangulum. Inclinentur ad angulos rectos AB , BC , & conectatur AC , & centro C , intervallo CB describatur circulus, secans AC continuatam in punctis E , D , is igitur circulus tanget ipsam AB in B . Deinde fiat AD diameter alterius circuli AGD , ex cuius centro F ducatur perpendicularis FG , & sumatur FH æqualis CD , vel CB : inferius demonstrabitur ipsam FG non esse minorem quam BC , acta denique ipsi AD parallela

parallela HI, secans circulum A G D in I, conectantur AI, ID.
& ipsi AD ducatur perpendicularis IL, ea erit æqualis HF, hoc
est ipsi B C, & angulus A I D in semicirculo rectus: reliquum
igitur est vt composita ex lateribus AI, ID ostendatur æqualis
ipsi AB, id autem ita fiet.



Quoniã enim
quadratum com-
positæ AID equa-
le est quadratis
AI, ID, vnâ cum
duplo rectângulo
AID, quadrata
autem AI, ID æ-
qualia sunt qua-
drato AD, & du-

plum rectangulum AID æquale duplo rectangulo AD, IL: est enim propter similitudinem triangulorum IAD, ILD, ut AI, ad AD, ita IL, ad ID, & ideo rectangulum AID sub extremis æquale rectangulo sub medijs AD, IL: quadratum igitur compositæ AID æquale erit quadrato AD, vnà cum duplo rectangulo AD, IL, hoc est vnà cum rectangulo ADE, est enim DE dupla ipsius IL, sed quadratū AD, vnà cum rectangulo ADE, æquale est rectangulo DAE, ergo quadratum compositæ AID æquale erit rectangulo DAE, hoc est * quadrato AB, vnde & ipsa composita æqualis ipsi AB, quod ostendisse oportuit. Constructum est igitur triangulum IAD rectangulum in I, cuius laterum AI, ID aggregatum æquale est ipsi AB, & perpendicularis IL æqualis ipsi BC, quod erat faciendum.

At verò ipsam FG non esse minorem quam BC, ita demon-
strabitur. Quoniam enim quadratum AB ex antecedēte Lem-
mate, non est minus octuplo quadrati BC, quadrata A B, BC,
hoc est quadratum AC non erit minus nonuplo quadrati BC;
ergo & recta AC non erit minor quam tripla BC, auferatur ex
AC recta DC, quæ æqualis est ipsi BC, reliqua igitur AD, non
erit minor quam dupla BC, neque dimidia AD, hoc est ipsa
FG minor erit, quam ipsa BC, quod erat demonstrandum.

CONSECTARIVM.

Itaque differentia inter perpendicularem, & eam cuius qua-

52 VARIORVM PROBLEM.


dratum æquale est quadratis composiæ ex lateribus, & perpendicularis, æqualis est basi trianguli quæsitæ.

Differencia enim inter perpendicularem BC, hoc est CD, & ipsam AC, rectam videlicet cuius quadratum æquale est quadratis AB, BC, est AD, basis trianguli IAD.

Sit composita ex AI, ID, hoc est ipsa AB 35, IL seu BC 12. Erit AD 25, vnde IA 20, ID 15, differentia enim inter 12, & 37, radicem videlicet quadrati 1369, quod constat quadratis ex 35, & 12, est 25, quæ indicat basim trianguli quæsitæ.

Problema XXII.

DATIS duabus rectis lineis inequalibus quam maior non excedat diametrum quadrati ex minore descripti, maiorem ita secare, ut partium quadrata simul æqualia sint quadrato minoris.



Sint datæ duæ rectæ lineæ, Z quidem maior, AB minor. Oportet ipsam Z, in duas partes secare, ita ut partium quadrata simul æqualia sint quadrato AB. Ducatur ipsi AB perpendicularis, & æqualis AC, & iuncta CB, fiat diameter circuli CAB, in quo accommodetur BD æqualis ipsi Z, ex determi-

natione enim Problematis ipsa Z non est maior quam CB, deinde iungatur CD, cui æqualis ponatur DE, & secerur bifariam EB in F. Quoniam igitur BE secta est bifariam in F, & illi adiecta ED, quadrata DB, DE dupla * erunt quadratorum DF, FB, sed quadrata DB, DE: hoc est DB, DC æqualia sunt quadrato CB propter angulum CDB in semicirculo rectum, ergo & quadratum CB duplum erit quadratorum DF, FB, sed duplum est & quadrati AB, ergo quadrata DF, FB quadrato AB æqualia erunt. Secta est igitur DB, cui æqualis est Z data in F, ita ut quadrata partium DF, FB æqualia sint quadrato AB, quod facere oportebat:

no Sectū
di.

CON-



CONSECTARIVM.

Itaque excessus, quo duplum quadrati à linea minore superat quadratum à maiore, æqualis est quadrato differentie partium maioris.

Sit Z, vel DB 17, AB 13, erit DF 12, FB 5. Excessus enim quo duplum quadrati ex 13, quod est 338, superat quadratū ex 17, nempe 289, est 49, quadratum videlicet ipsius DE differentie partium DF, FB. unde ipsa DE erit 7, reliqua verò EB 10, eius dimidia FB 5, DF 12.

Problema XXIII.

DATIS duobus excessibus quibus diameter parallelogrammi rectanguli utrunque latus superat, inuenire parallelogrammum.



Sint dati duo excessus AB, BC, quibus diameter parallelogrammi rectanguli excedit latera. Oportet inuenire parallelogrammū. Ponatur in directum AB, BC, & fiat duplo rectanguli ABC æquale quadratum CD, & ponatur DF æqualis BC, & ipsi AD ducatur perpendicularis FG, ipsi verò BD æqualis, & compleatur parallelogrammū AFGH, cuius diameter AG, & centro A, intervallo AF describa-

tur circulus, quem secet AG in E, ipsa verò producta in I. Quoniam igitur duplum rectanguli ABC æquale est quadrato CD ex constructione, addito communi quadrato BC, unà cum duplo rectanguli FBC, duplum rectangulorum ABC, FBC, unà cum

cum quadrato BC, hoc est FD, æqualia erunt quadratis BC, CD, vnà cum duplo rectanguli FBC, hoc est BCD: sunt enim BF, CD æquales, quia BC æqualis est FD, & CF vtrique communis, sed duplum rectangulorum ABC, FBC æquale est rectangulo sub BC, hoc est FD, & composita ex duplis AB, BF, hoc est rectangulo IFD: ergo rectangulum IFD, vnà cum quadrato FD, hoc * est rectangulum IDF æquale erit quadratis BC, CD, vnà cum duplo rectanguli BCD, hoc est * æquale erit quadrato BD, vel FG, addatur commune quadratum AF, rectangulum igitur IDF, vnà cum quadrato AF, hoc * est quadratum AD æquale erit quadratis AF, FG, hoc est quadrato AG, quare & recta AD æqualis erit rectæ AG: ablatis igitur æqualibus AF, AE, reliqua FD, hoc est BC reliquæ EG æqualis erit. Parallelogrammi igitur AFGH diameter AG excedit latus AF excessu EG æquali ipsi BC, excedit autem & alterum latus FG excessu æquali AB, ipsa enim AD, cui æqualis est diameter AG, excedit ipsam BD, hoc est latus FG excessu AB. Constructum est igitur parallelogrammum rectangulum AFGH, vt facere oportebat.

3. Secūdi.
4. Secūdi.
6. Secūdi.

C O N S E C T A R I V M.

Itaque, recta cuius quadratum, duplum est rectanguli sub excessibus datis aucta excessu maiori, efficit latus maius parallelogrammi quæsiti, aucta verò minori excessu, latus minus efficit, aucta denique vtroque excessu efficit diametrum.

Recta enim D C aucta excessu CB æqualis est lateri FG, aucta verò vtroque excessu CB, BA, æqualis diametro GA, ac denique recta DC, hoc est FB aucta excessu BA, est ipsum latus FA.



Sit minor excessus 2, maior 9, erit latus maius parallelogrammi quæsiti 15, latus minus 8, diameter 17, duplum enim rectanguli sub excessibus 2, & 9, est 36, radix verò quadrata numeri 36, est 6, quæ aucta excessu 9, fit 15, pro latere maiori, aucta verò excessu 2, fit 8, pro latere minori, aucta denique vtroque excessu 2, & 9, fit 17, pro diametro.

Problema XXIV.

DATO vno ex angulis rombi, & differentia inter eius latus, & diametrum, inuenire rombum.

Sit

Sit datus vnus ex angulis rombi, æqualis angulo CDE, differentia autem inter eius latus, & diametrum AB. Oportet inuenire rombum. Si angulus datus sit is quem diameter secat, reliquus è duobus rectis erit angulus quem diameter subtendit. Itaque dato vno dabitur alter. Sit igitur datus angulus CDE æqualis ei quem diameter subtendit, & producat CD in F, & secetur bifariam angulus FDE recta linea DG, si igitur angulus CDE maior sit dimidio anguli CDG, producat AB ad



partes A, si verò sit minor, producat ad partes B, æqualis autem dimidio nō potest esse, quia nullus esset excessus inter latus rombi, & diametrum, quod nō ponitur. Producta igitur AB, vt dictum est in M, fiat dimidio anguli CDG, æqualis angulus MBH, & angulo CDE æqualis angulus MAH, & conueniant AH, BH, in H: conuenient enim, vt inferius demonstrabitur. Rursus

angulo MBH æqualis constituatur angulus BHI, & compleatur parallelogrammum IAH L, cuius diameter IH. Quoniam igitur angulus MIH externus trianguli HIB, æqualis est duobus internis angulis IHB, IBH, quibus etiam æqualis est angulus CDG: vterque enim est eius dimidius ex constructione, erit angulus MIN angulo CDG æqualis, quare & angulus HIB angulo GDF. Quoniam igitur angulus MIH ostensus est æqualis angulo CDG, & est quoque æqualis duobus internis angulis MAH, IHA, angulus CDG, hoc est duo anguli CDE, EDG duobus MAH, IHA erunt æquales, demptis æqualibus angulis CDE, MAH, reliquus EDG, hoc est GDF reliquo IHA æqualis erit, sed ostensus est angulus GDF æqualis angulo HIB, hoc est HIA, ergo & angulus IHA angulo HIA, erit æqualis; quare & latus AH lateri AI, sed lateri AH æquale est IL, & lateri AI æquale HL, quia parallelogrammum est AILH, ergo latera AI, IL, LH, HA erunt inter se æqualia, parallelogrammum igitur AI, LH, rombus est, & angulus IAH quem subtendit diameter, æqualis est angulo CDE ex constructione. Et quoniam anguli

anguli HBI, BHI sunt æquales ex constructione, erunt & rectæ IH, IB æquales, sed IB differt ab IA per AB; ergo & IH differt ab ipsa IA per eandem AB. Constructus est igitur romb. IAHB, ut facere oportebat.


At verò rectas AH, BH conuenire sic demonstrabitur. Angulus CDE in prima figura, hoc est MAH maior est dimidio anguli CDG, hoc est angulo MBH, sed angulus MAH, vnà cum angulo HAB duobus rectis sunt æquales, ergo angulus HAB, vnà cum angulo HBA duobus rectis erunt minores, & ideo conuenient AH, BH, quod erat demonstrandum.

In secunda figura, angulus CDE, hoc est MAH minor est dimidio anguli CDG, hoc est angulo MBH, sed angulus HBA, vnà cum angulo HBM æquales sunt duobus rectis, ergo angulus HBA, vnà cum angulo HAB duobus rectis erunt minores, quocunque igitur casu conueniunt AH, BH, quod erat demonstrandum.

Problema XXV.

DATAM rectam lineam secare, ita ut rectangulum sub partibus comprehensum æquale sit ei, quod à differentia partium fit quadrato.

Sit AB data recta linea secanda in duas partes, ita ut rectangulum sub partibus comprehensum, æquale sit quadrato differentie partium. Producat AB in C, ut ipsa AB sit quintupla ipsius BC, & in AC describatur semicirculus ADC, & ex B educatur perpendicularis BD, cui



æqualis ponatur BE, & secetur AE bifariam in F, differentia igitur partium AF, FB erit EB, & quoniam AB quintupla est ipsius BC, quintuplum rectanguli ABC, hoc est quintuplū quadrati BD æquale erit quadrato AB, sed quadratum AB æquale est quadrato EB, vnà cum quadruplo rectanguli EFB, hoc est AFB, ergo quintuplum quadrati BD, hoc est EB æquale erit quadrato EB, vnà cum quadruplo rectanguli AFB: auferatur commune quadratum EB, quadruplum igitur rectanguli AFB quadruplo quadrati EB æquale erit, & consequenter simplex simplo.

8. Secūdi.


BC, ad extrema basis puncta A, C, rectangulum ABC, æquale erit quadrato FC, differentia videlicet ipsarum AB, BC, quod faciendum erat.

Problema XXVII.

DATAM rectam lineam ita secare, ut rectangulum, quod tota, & altera parte continetur ad quadratum partis reliquæ, datam habeat rationem.

Euclides Propositione vndecima libri secundi, Elementorū docet lineam rectam secare, ut rectangulum sub tota, & altera parte sit æquale quadrato partis reliquæ, at verò ut habeat eam quæ ponitur rationem, sic erit secanda.

Sit data recta linea AB, quæ oportet secare, ut rectangulum sub tota, & altera parte ad quadratum partis reliquæ rationē habeat ut R, ad S. Exponatur aliquod quadratum CDE, & fiat ut R, ad S, ita quadratum CDE ad quadratum FGH: deinde inueniatur triangulum rectangulum habens vnum ex lateribus



angulum rectum ambientibus, æquale ipsi CD, & segmentum basis alterum æquale ipsi FG, id enim iam docuit Problema decimum nonum. Sit igitur illud triangulum IKL rectangulum in L, in quo perpendicularis IM, sit autem latus IL æquale ipsi CD, segmentum KM alterum æquale ipsi FG, & super datam AB, triangulo IKL simile similiterque positum constituatur triagulum NAB, à cuius angulo recto ANB demittatur perpendicularis NO. Quoniam igitur similia sunt triangu-
la NAB, IKL similiterque posita, erit angulus A æqualis angulo k, & angulus B æqualis angulo L, & anguli ad O, & M sunt recti, & ideo æquales: erit triagulum NOA simile triagulo IMK, & triagulum NOB simile triagulo IML, & ob id ut NB, ad NO, ita erit IL, ad IM, & ut NO, ad OA, ita IM, ad MK, quare ex æquali ut NB, ad AO, ita erit IL, ad MK.

Et

Et quoniam est vt CD, ad IL, ita FG, ad kM. æqualis videlicet ad æqualem, erit permutando vt CD, ad FG, ita IL, ad KM, sed & NB, ad AO, est sicut IL, ad Mk. vt est demonstratum : ergo vt CD, ad FG, ita erit NB, ad AO, & consequenter vt quadratum CD, ad quadratum FG, ita quadratum NB ad quadratum AO, sed quadratum NB * æquale est rectangulo ABO : est enim * NB media proportionalis inter AB, BO, ergo vt quadratum CD ad quadratum FG hoc est vt R. ad S, ita erit rectangulum ABO, ad quadratum AO, secta est igitur AB, in O, vt facere oportebat.

17. Sexti.
Ex coroll.
prop. 8.
Sexti.

ALITER quoq; hoc
Problema abfoluemus.

Sit AB data recta linea
secunda: ratio autem rectā
guli sub rota, & altera par-
te ad quadratum partis re-
liquæ sit vt ED, ad DC. Po-
nantur in directū ED, DC,

& in EC describatur semicirculus EFC, ipsiq; E C ducatur perpendicularis DF, & secetur FD bifariam in H, & iungatur EH, & centro H, intervallo HE describatur circulus, secans FD productam in punctis G, I, & fiat vt GD, ad DE, ita AB, ad Bk: describatur autem in AB semicirculus ALB, in quo accommodetur ipsi Bk, æqualis BL, & demittat ad AB perpēdicularis LM. Quoniam igitur æquales sunt GH, HI, & æquales quoque FH, HD, erunt & reliquæ GF, DI æquales. Et quoniam est vt GD, ad DE, ita AB, ad Bk, hoc est ad BL: erit vt quadratum GD, ad quadratum DE, ita quadratum AB, ad quadratum BL, sed quadratum GD ad quadratum DE, est sicut GD, ad DI, & quadratum AB ad quadratum BL, sicut AB, ad BM, est enim * quadratum primæ trium proportionalium ad quadratum secundæ, sicut prima ad tertiam, ergo vt GD, ad DI, hoc est ad FG, ita erit AB, ad BM, per conuersionem rationis, vt GD, ad FD, ita AB ad AM, & permutando vt GD, ad AB, ita erit FD, ad AM.

Rurſus quoniam eſt vt GD ad DE, ita AB ad BL, erit permu-
tando vt GD ad AB, ita DE ad BL, ſed oſtēſum eſt vt GD ad AB,
ita eſſe FD ad AM, ergo vt DE ad BL, ita erit FD ad AM, & per-
mutando, vt DE ad FD, ita BL ad AM, & vt quadratum DE ad
quadratum FD, ita quadratum BL ad AM, quadratum, ſed qua-
dratum BL * æquatur rectangulo ABM, eſt * enim BL media
proportionalis inter AB & BM, vt igitur quadratū DE ad qua-

17. Sexti.
Coro. pro.
8. Sexti.

H 2 dratam

dratum FD , hoc est ut ED ad DC : prima nempe ad tertiā trium proportionalium, ita erit rectangulum ABM ad quadratū. AM Secta est igitur AB data in M , ut secunda proponebatur.


Problema XXVIII.

DAT AM rectam lineam secare, ut rectangulum sub tota, & altera parte ad quadratum differentiae partium, rationem habeat datam.


Hoc Problema duos casus habet, vel enim secunda proponitur data recta linea, ut rectangulum sub tota, & parte maiori, vel & parte minori, ad quadratum differentiae partium rationem habeat datam: primo casu oportebit terminum datæ rationis primum, maiorem esse secundo: rectangulum enim sub tota, & parte maiori, maius est quadrato differentiae partium, cum utraque, tota videlicet, & pars maior: maiores sint quam partium differentia.

Secundus casus nulla indiget determinatione, rectangulum enim sub tota, & parte minori potest esse maius prædicto quadrato, & minus.

Sit igitur data recta linea AB secanda in duas partes, ut rectangulum sub tota, & altera parte ad quadratum differentiae partium, rationem habeat ut R , ad S . Exponatur aliquod quadratum k , & fiat ut R ad S , ita K quadratum, ad aliud quadratum quod sit F latus autē quadrati k intelligatur unum ex lateribus trianguli angulum rectum ambiētibus, maius videlicet in prima figura, quæ ad primum casum pertinet, minus in secunda, & tertia, quæ pertinet ad



ad secundum casum, latus verò quadrati F intelligatur differētia segmentorum basis. Itaque dato vno ex lateribus trianguli angulum rectum ambientibus, & differentia segmentorum basis, inueniatur triangulum, id enim iam docuit Problema decimumoctauum. Sit igitur illud triangulū CDE, in quo perpendicularis CG ab angulo recto demissa secet basim in duo segmenta DG, GE, quorum differentia EH sit æqualis lateri quadrati F, & latus CE æquale lateri quadrati K: denique describatur in AB triangulum IAB triangulo CDE simile similiterque positum, à cuius angulo recto demissa in basim perpendicularis



ris IL secet eam in duo segmenta AL, LB, quorū differentia sit MB. Quoniam igitur similia sunt triāgula IAB, CDE, erit angulus A æqualis angulo D, & angulus IBL æqualis angulo CEG, atque anguli ad L, & G, sunt recti, & ideo æquales, ergo triangulum ILB

simile erit triangulo CGE, & triāgulum ILA triangulo CGD, & propter similitudinem erit vt BL ad LI, ita EG ad GC, & vt LI ad LA, ita GC ad GD, ergo ex æquali erit vt BL ad LA: hoc est ad LM, ita EG ad GD, id est ad GH, & per conuersionem rationis vt BL ad BM, ita erit EG ad EH.

Et quoniam propter triangulorum similitudinem est vt IB ad BL, ita CE ad EG, & vt BL ad BM, ita EG ad EH, vt est demonstratum, erit ex æquali vt IB ad BM, ita CE ad EH: hoc est ita latus quadrati k ad quadrati F latus, vt igitur quadratum IB ad quadratum MB, ita erit K quadratum ad F quadratum, sed K quadratum ad F quadratum est, vt R ad S: ergo vt R ad S, ita erit quadratum IB ad MB, quadratum, sed quadratum IB * æquale est rectangulo ABL, est enim IB * media proportionalis inter AB, LB, ergo vt R ad S, ita erit rectangulū ABL ad quadratum MB. Secta est igitur AB in L, vt facere oportebat.

17. 6.

Ex coroll.

8. 6.

Problema XXIX.

DATAM rectam lineam, ita secare, vt rectangulum sub tota, & differentia partium ad quadratum differentie,

rentia, rationem habeat datam. Oportet autem datæ rationis terminum primum maiorem esse secundo: rectangulum enim sub tota, & differentia partium maius est quadrato prædictæ differentia.

Sit AB data recta linea secunda, ita ut rectangulum sub ipsa AB, & differentia partium ad quadratum ipsius differentia, rationem habeat ut R ad S, cuius rationis terminus R sit maior quam S. *Secetur* * AB in C, ut sit AB ad AC, sicut R ad S, ipsa verò CB secetur bifariam in D, itaque differentia partium AD, DB, erit AC. Quoniam igitur rectangulum BAC, & quadratum AC eandem habent altitudinem AC, erit * ut AB ad AC, ita rectangulum BAC ad AC quadratum, sed AB ad AC, est sicut R ad S, ergo ut R ad S, ita erit rectangulum BAC ad AC quadratum, *Secuta* est igitur AB in D, ut facere oportebat.

R —————

S —————

A — C — D — B

Problema XXX.

DATAM rectam lineam ita secare, ut rectangulum sub tota, & differentia partium, ad quadratum totius, rationem habeat datam. Oportet autem datam rationem esse minoris ad maius: rectangulum enim sub tota, & differentia partium minus est totius lineæ quadrato.

Sit data recta linea AB quæ oportet secare, ut rectangulum sub tota, & differentia partium ad quadratum totius AB rationem habeat ut R ad S, cuius rationis terminus R sit minor quam S. Fiat ut S ad R, ita AB ad AC, & secetur CB bifariam in D. Quoniam igitur ut S ad R, ita est AB ad AC, erit conuertendo ut R ad S, ita AC ad AB, sed ut AC ad AB, ita est rectangulum BAC ad quadratum AB,

R —————


S —————

A — C — D — B

AB, eandem enim habent altitudinem AB, ut igitur R ad S, ita erit rectangulum BAC ad AB quadratum: est autem rectangulum BAC illud quod tota AB, & differentia partium AD, DB continetur, quia ipsarum partium differentia est AC, sunt enim CD, DB æquales. Secta est igitur AB in D, ut facere oportebat.

Problema XXXI.

DATAM rectam lineam ita secare, ut rectangulum sub tota, & differentia partium ad rectangulum sub partibus, datam habeat rationem.



Sit data linea recta AB quam oportet secare, ut rectangulum sub tota, & differentia partium ad rectangulum sub partibus rationem habeat ut R ad S. Secetur AB bifariam in C, & fiat ut R ad S, ita AB ad aliam quæ sit FG: ipsi autem FG ducatur perpendicularis GD, ipsi verò AC æqualis, & conectatur FD, & centro F, intervallo FG describatur circulus, quem secet DF continuata in punctis E, H, & ponantur ipsi HD æquales CK, CI. Quoniã igitur æquales sunt AC,

CB, & æquales quoque IC, CK, sunt æquales & reliquæ AI, KB, & ideo differentia inter Ak, KB erit Ik. Et quoniam AB secta est in partes æquales in C, & inæquales in k, rectangulum AkB unà cum quadrato CK æquale * erit quadrato AC: hoc est DG, seu quod idem est rectangulo EDH, recta enim DG tangit circulum in G, sed rectangulū EDH æquale * est rectangulo EHD 1. Secūdi. unà cum quadrato HD, ergo rectangulum AKB, unà cum quadrato CK æquale erit rectangulo EHD, unà cum quadrato HD: auferantur æqualia quadrata CK HD, reliquum igitur rectangulum AkB reliquo rectangulo FHD æquale erit. 3. Secūdi.

Et quoniam est ut R ad S, ita AB ad FG, hoc est ad FH, ut autem AB ad FH, ita rectangulum AB, CK ad rectangulum FHD: æquales enim habent altitudines Ck, HD, erit ut R ad S, ita rectangulum

ctangulum AB, Ck ad rectangulum FHD, & consequenter ita duplum rectanguli AB, Ck ad duplum rectanguli FHD, hoc est ita rectangulum AB, Ik ad rectangulum EHD, sed rectangulū EHD ostensum est æquale rectangulo AkB, ergo vt R ad S, ita erit rectangulum AB, Ik ad rectangulum AkB. Secta est igitur AB in k, vt facere oportebat.

Problema XXXII.

DATAM rectam lineam ita secare, vt rectangulum sub tota, & altera parte ad rectangulum sub partibus, rationem habeat datam. Oportet autem datæ rationis terminum primum maiorem esse secundo: rectangulum enim sub tota, & altera parte maius est rectangulo sub partibus.

Sit data recta linea AB secāda in duas partes, vt rectangulū sub tota, & vna parte ad rectāgulum sub partibus, rationem habeat vt R ad S, cuius rationis terminus R fit maior quā S. Secetur * AB in C, vt fit A Bad AC, sicut R ad S, ergo factum erit quod proponitur: est enim vt A Bad AC, ita rectangulum ABC ad rectangulū ACB propter eandem altitudinem CB, sed AB ad AC est sicut R ad S, ex cōstructione, ergo vt R ad S, ita erit rectangulū ABC ad ACB rectangulū. Secta est igitur AB in C, vt faciendum erat.

R _____

S _____

A _____ C _____ B

Ex. Sexti.

Problema XXXIII.

DATAM rectam lineam ita secare, vt rectangulum sub tota, & vna parte ad rectangulum sub tota, & altera parte, rationem habeat datam.

Sit AB data recta linea secanda in duas partes, ita vt rectāgulum sub tota, & vnā parte ad rectangulū sub tota, & altera parte rationem habeat vt R ad S. Hoc autem nihil aliud est nisi ipsam AB secare in duas partes, ita vt partium ratio sit eadē quæ R ad S,

R ad S, secetur * enim in C, ut sit AC ad CB, sicut R ad S. Quo. 10. Sexti.

R. ———

S. ———

A ——— C ——— B

niā igitur rectangula BAC, ABC eandem habent altitudinem AB, erit ut AC ad CB, ita rectangulum BAC ad rectangulū ABC, sed AC ad CB, est sicut R ad S, ex constructione; ergo ut R ad S, ita erit rectangulum BAC ad ABC, rectangulum. Punctum igitur C Proble-

ma efficit, quare factum est quod oportebat.

Problema XXXIV.

DATAM rectam lineam ita secare, ut quadratum alterius partis ad rectangulum sub partibus, rationem habeat datam.

R. ———

S. ———

A ——— C ——— B

Sit AB secanda in duas partes, ita ut quadratū alterius partis, ad rectangulum sub partib. rationem habeat ut R ad S. Constructio huius problematis eadem est q̄ precedētis: si enim AB secetur in C, ita ut AC ad CB, rationē habeat ut R ad S, punctum C problemati

satisfaciet: erit enim ut AC ad CB, ita quadratū AC ad rectangulum ACB propter eandem altitudinem AC, sed AC ad CB, est sicut R ad S, ex constructione, ergo ut R ad S, ita erit quadratum AC ad rectangulum ACB, punctum igitur C problemati satisfacit, quare factum est quod oportebat.

Problema XXXV.

DATAM rectam lineam ita secare, ut quadratum alterius partis ad quadratum differentiae partium, rationem habeat datam.





Hoc Problema duos casus habet: vel enim datam rectam lineam secare oportet, ut quadratū partis maioris, vel partis minoris ad quadratum differentiae partium, rationem habeat da-

I

ram,

tam : primo casu oportebit datam rationē, esse maioris nempe ad minus: pars enim maior, maior est quam partiū differentia. Secundus casus non indiget determinatione, pars enim minor potest esse maior prædicta differentia, & etiam minor.

Sit igitur data recta linea AB
 q̄ oportet ita secare, vt quadratū
 alterius partis, ad quadratum dif-
 ferentiæ partium rationē habeat
 vt R ad S. Exponat aliquod qua-
 dratum CDE, & fiat vt R ad S, ita
 quadratū CDE, ad aliud quadra-
 tum quod sit FGE, & ED dupli-
 cetur in H, ipsa autē AB secetur
 bifariā in I, & fiat vt HG ad GE,
 ita AI ad IK: ergo in prima figu-
 ra quæ ad primum casum perti-
 net, erit componendo, in secūda
 verò & tertia, quæ pertinent ad
 secundum casum, erit diuidēdo,
 vt HE ad GE, ita Ak ad Ik, & du-
 platis consequentib. vt HE ad du-
 plā GE, seu quod idem est vt DE,
 quæ est dimidia ipsius HE ad GE
 simplā, est. n. eadē ratio totius ad
 totum quæ dimidij ad dimidiū,
 ita erit Ak ad duplam IK quæ sit
 LK: quare vt quadratum DE ad
 quadratum GE, ita erit quadra-
 tum Ak ad Lk quadratū, sed qua-
 dratum DE ad quadratū GE, est
 sicut R ad S, ex cōstructione, er-
 go vt R ad S, ita erit quadratum
 AK ad quadratum Lk, differentiæ
 videlicet partium Ak, kB, cum
 enim AI, IB sint æquales, & æ-
 quales quoque LI, IK, fiunt &
 AL, KB æquales, & ideo differē-
 tia inter AK, KB, est Lk. Secta est
 igitur AB in k, & impleta Proble-
 matis conditio.



Problema XXXVI.

DAT *AM* rectam lineam ita secare, ut partium quadrata datam teneant rationem.

R. —————

S. ———

A ————— C ————— B



Sit data recta linea *AB* secāda in duas partes, ita ut partium quadrata rationē teneant ut *R* ad *S*. Exponatur aliquod quadratū *k*, & fiat ut *R* ad *S*, ita *k* quadratum ad aliud quadratū quod sit *F*. Deinde secet *AB* in *C*, ut sit *AC* ad *CB*, sicut latus quadrati *k* ad qua-

drati *F* latus. Quoniam igitur est ut *AC* ad *CB*, ita latus quadrati *K* ad quadrati *F* latus, erit ut quadratum *AC* ad quadratū *CB*, ita *k* quadratum ad *F* quadratū, sed *k* quadratum ad *F* quadratum, est sicut *R* ad *S*, ex constructione, ergo ut *R* ad *S*, ita erit quadratum *AC* ad *CB* quadratum. Secta est igitur *AB* in *C*, ut facere oportebat.

Problema XXXVII.

DAT *AM* rectam lineam ita secare, ut partium quadrata simul sumpta ad rectangulum sub partibus, rationem habeant datam. Oportet autem datæ rationis terminum primum non esse minorem duplo secundi: minimū enim aggregatum quadratorum duplum est rectanguli sub partib. maximi, hoc aut accidit quando data linea secta est bifariā.


Sit data recta linea *AB* quam oportet, ita secare, ut partium quadrata simul sumpta ad rectangulum sub partibus rationem habeant ut *CD* ad *DE*, cuius rationis terminus *CD* non sit minor duplo ipsius *DE*. Secetur *AB* bifariā in *H*, & in ea describatur semicirculus *AGB*, ipsiq; *AB* ducatur perpendicularis *HG*, & *DE* duplicetur in *F*, & fiat ut *CF* ad *EF*, ita quadratum *AB* ad aliud quadratum cuius latus sit *Z*: quadratum igitur *AB* nō erit minus quadruplo, quadrati *Z*, quia & *CF* non est minor quam *EF* quadrupla, ergo ipsa *AB* non erit minor duplo lateris *Z*, & consequenter *HG*, dimidia videlicet ipsius *AB* non minor q̃ *Z*.

1 2 Sumatur

Sumatur ergo in HG ipsi Z, æqualis HI, & per I agatur ipsi AB parallela IL, & ad AB demittatur perpendicularis Lk, erit igitur Lk æqualis IH, hoc est ipsi Z. Et Quoniam est vt CF ad EF, ita quadratum AB ad quadratum Z, hoc est ad quadratum Lk: seu quod idem est ad rectangulū

AKB, duplatis cōsequentib. erit vt CF ad DF, ita quadratum AB,


¶ Secūdi. hoc est * aggregatum quadratorum A k, KB vnā cum duplo rectanguli AkB ad duplum rectanguli AKB, & diuidendo erit vt CD ad DF, ita aggregatum quadratorum Ak, KB ad duplum rectanguli AKB. & subduplatis cōsequentib. erit vt CD ad DE, ita aggregatum quadratorū AK, kB ad rectāgulū AkB. Secta est igitur AB in K, vt facere oportebat.



LEMMA

Rectangulum sub aggregato, & differentia duorum laterum æquale est excessui quadratorum à lateribus.

Sint duo latera, AG maius, GB minus, ipsi autē GB ponatur æqualis GH, differentia igitur laterū AG, GB erit AH. Dico rectāgulū BAH æquale esse excessui quadratorum




AG, GB. Quoniam enim HB secta est bifariam in G, & ei adiecta HA, rectangulū BAH, vnā cum quadrato GB * æquale erit quadrato AG, auferatur vtrinque quadratum GB, reliquum igitur rectangulum BAH æquale erit excessui quadratorum AG, GB, quod erat demonstrandum.

¶ Secūdi.

Problema XXXVIII.

DATA M rectam lineam ita secare, vt partium quadrata simul sumpta ad rectangulum sub tota, & differentia partium, rationem habeant datam. Oportet autem datam rationem esse maioris ad minus: quadrata enim partium simul

simul sumpta maiora sunt rectangulo sub tota, & differentia partium, quandoquidem illud rectangulum ex anteced. Lem. æquale est excessui quadratorum.



Sit igitur data recta linea AB quā oportet secare in duas partes, vt partium quadrata simul sumpta ad rectangulum sub tota, & differentia partium rationem habeāt vt CD ad DE, quorum terminorum rationis CD sit maior quam DE.

Sumatur in CD ipsi DE æqualis DF, & * secetur AB in G, vt quadratum AG ad quadratum GB rationem habeat eandē, quam habet CE ad CF, ipsi autem GB ponatur æqualis GH, erit igitur per conuersionem rationis, vt quadratum AG ad excessum quadratorum AG, GB, hoc est ad * rectangulum BAH, ita CE ad FE, & duplatis antecedentibus, vt duplum quadrati AG, hoc est * vt aggregatum quadratorum AG, GB, vnā cum rectangulo BAH, ad rectangulum BAH, ita erit dupla CE ad FE, hoc est ad duplā DE, & ideo ita CE simpla ad simplam DE: est enim eadem ratio dupli ad duplum quæ simpli ad simplū, ergo diuidendo erit aggregatum quadratorum AG, GB ad rectangulum BAH, sicut CD ad DE, Secta est igitur AB in duas partes AG, GB quarum partium quadrata simul sumpta ad rectangulum sub tota AB, & differentia partium AG, GB, rationem habent vt CD ad DE, quod facere oportebat.

*Hu-
ius.*

*Ex antec.
Lem.*

Secūdi.

At verò duplum quadrati AG æquale esse aggregato quadratorum AG, GB, vnā cum rectangulo BAH, sic demonstrabitur. Quoniam enim quadratum AG æquale * est rectangulo BAH, vnā cum quadrato GB, addito communi quadrato AG, duplū quadrati AG æquale erit aggregato quadratorum AG, GB, vnā cum rectangulo BAH, quod erat demonstrandum.

Problema XXXIX.

DATAM rectam lineam ita secare, vt partium quadrata simul sumpta ad totius lineæ quadratum, rationem habeant datam. Oportet autem datæ rationis terminum secundum, maiorem esse primo, non autem duplo primi: quadratum

70 VARIORVM PROBLEM.

dratum enim totius lineæ maius est quadratis partium, duplo autem ipsorum quadratorum non est maius.

Sit AB data recta linea secāda in duas partes, vt partiū quadrata simul sumpta, ad quadratum totius AB rationē habeant vt EF ad FG, cuius rationis terminus FG sit maior quam EF,

H G E F

A C D B

non autem quam duplum ipsius EF. Duplicetur FE in H, & secetur AB bifariam in C, & fiat vt FG ad GH, ita quadratum AC ad quadratum CD, ergo conuertendo erit vt HG ad GF, ita quadratum CD ad AC quadratum, & componendo vt HF ad GF, ita aggregatum quadratorum AC, CD ad AC quadratum, & duplatis consequentib. vt HF ad GF duplā, hoc est vt EF ad GF, (est enim eadē ratio dimidij ad dimidium quæ totius ad totū,) ita erit aggregatum quadratorum AC, CD ad duplum quadrati AC, & ita duplum quadratorum AC, CD ad quadruplū quadrati AC, hoc est ad quadratum AB, sed duplum quadratorum AC, CD æquale * est quadratis AD, DB, vt igitur EF ad FG, ita erit aggregatum quadratorum AD, DB ad AB, quadratū. Secta est igitur AB in duas partes AD, DB, quarum quadrata simul sumpta ad quadratum totius AB, rationē habent vt EF ad FG, quod erat faciendum.

9. Secūdi.

Problema XL.

DATAM rectam lineam ita secare, vt partium quadrata simul sumpta, ad quadratum differentie partiū datam habeant rationem. Oportet autem datam rationem esse maioris ad minus.

Sit data recta linea AB secanda in duas partes, vt partiū quadrata simul sumpta ad quadratū differentie partiū rationem habeant vt EF ad FG, quæ ratio sit maioris ad minus. Duplicet

H E G F

A I C D B

FE in H, & AB secetur bifariā in C, & fiat vt HG ad GF, ita quadratum AC ad quadratū CD, ipsi aut C D ponatur æqualis CI.


Quoniam

Quoniam igitur AC, CB sunt æquales, & æquales quoque IC, CD, sunt & reliquæ AI, DB æquales, quare differentia partium AD, DB erit ID: Et quoniam est ut HG ad GF, ita quadratum AC ad CD quadratum, erit componendo ut HF ad GF, ita aggregatū quadratorum AC, CD ad quadratū CD, & duplatis consequētibz ut HF ad duplam GF, hoc est ut EF ad GF, (est enim eadē ratio dimidiū ad dimidiū quæ totius ad totū) ita erit aggregatū quadratorū AC, CD ad duplum quadrati CD, & ita duplū quadratorū AC, CD ad quadruplū quadrati CD, hoc est ad quadratū ID, sed duplū quadratorū AC, CD æquale* est quadratis AD, DB, ut igitur EF ad FG, ita erit aggregatū quadratorū AD, DB ad quadratum ID. Secta est igitur AB in D, ut facere oportebat.

9 Secūdi

Problema XLI.

DAT *AM* rectam lineam ita secare, ut rectangulum sub partibus ad quadratum totius lineæ, datā habeat rationem. Oportet autem datæ rationis, terminum secundum non esse minorem quadruplo primi: quadratum enim totius lineæ quadruplum est rectanguli sub partibus maximi, hoc autem accidit quando linea data secta est bifariam.



Sit igitur AB data recta linea secanda in duas partes, ut rectangulū sub partibz. ad quadratū totius AB rationē habeat ut R ad S, cuius rationis terminus S, non sit minor quadruplo ipsius R. Secetur AB bifariam in G, & in ea describat semicirculus ADB, à pūcto autē G ducatur ipsi AB perpendicularis GD, & fiat ut S ad R, ita quadratum AB ad aliud quadratum cuius latus sit Z.


Quoniam igitur S nō est minor quadruplo ipsius R, quadratū AB non erit minus quadruplo quadrati Z, neque ideo recta AB minor, erit duplo lateris Z, nec denique GD hoc est dimidia AB minor erit quā Z, sumat ergo in GD ipsi Z æqualis GE, & ipsis AB, DG parallelæ agantur EF, FC, erit igitur FC, æqualis EG, hoc est ipsi Z. Et quoniam est ut S ad R, ita quadratum

quadratum AB ad quadratum Z, hoc est ad FC quadratum, seu quod idem est ad rectangulū ACB, erit conuertendo vt R ad S, ita rectangulum ACB ad AB quadratum. Secta est igitur AB in C, vt facere oportebat.

Problema XLII.

DAT *AM rectam lineam ita secare, vt rectangulum sub partibus ad quadratum differentie partium, datam habeat rationem.*

Sit data recta linea AB secanda in duas partes, vt rectangulum sub partib. ad quadratū differentie partium rationē habeat vt FG ad GH. Secetur AB bifariam in C, & duplicetur GH in K, ipsa verò GF quadruplicetur in I, & in Ik describat semicirculus ILk, à puncto aut H excite ad IK perpendicularis HL, & fiat vt IH ad HL, ita AC ad CD,



Coroll. 2.
20. Sexti.

ipsiq; CD ponatur æqualis CE. Quoniam igitur æquales sunt AC, CB, & æquales quoque EC, CD, fiunt & reliquæ AE, DB æquales. quare differentia ipsarum AD, DB erit FD. Et qm̄ est vt IH ad HL, ita AC ad CD, erit vt quadratum IH ad quadratum HL, ita quadratum AC ad CD quadratum, sed quadratū IH ad quadratum HL, est vt IH ad Hk: est enim * vt quadratum primæ trium proportionalium ad quadratū secundæ, ita prima ad tertiam, vt igitur IH ad HK, hoc est ad HG, ita erit quadratum AC ad quadratum CD, & diuidēdo erit vt IG, hoc est vt quadrupla FG ad GH, ita excessus quadratorum AC, CD ad quadratū CD, & quadruplatis consequentib. vt FG quadrupla ad GH quadruplam, seu quod idem est vt FG simpla ad simplam GH: est enim eadem ratio vtrobique, ita erit excessus quadratorum AC, CD ad quadruplum quadrati CD, hoc est ad quadratum FD, sed excessus quadratorum AC, CD æqualis est rectangulo DAE, hoc est ADB ex Lemmate in Prob. 37, ergo vt FG ad GH, ita erit rectangulum ADB ad quadratū ED. Secta est igitur AB in duas partes AD, DB sub quibus rectangulum ADB ad quadratū differentie ipsarum rationem habet vt FG ad GH, quod erat faciendum.

F I N I S.

